

符臺外集

四明張氏約園開雕

序

鄞藝文志著錄符臺外集五卷今伏跗室馮氏所藏者爲舊鈔本上下二卷與志目不合全謝山跋袁尙寶記北京營造始末謂符臺外集多足以補史事而今本無之卽李杲堂甬上耆舊詩所錄詩二首亦未見則二卷本之闕佚多矣袁尙寶行狀撰於黃南山而謝山跋則曰世以爲術士耳不知其因成祖養聖之間而詳及前代學宮書院之制更論武臣居喪之當解職謂皇太孫獲鹿先獻皆讜論也而力爭靈濟宮符藥之妖妄尤大

符臺外集

序

四明叢書
約圖刊本

臣風節余嘗攷吾鄞西門袁氏顯於明初而大節之昭垂實始於宋季其後子孫繼承不隕其德見於符臺外集者尤多因詳述之初德祐二年元兵至鄞宋進士忠臣袁鏞遣游騎十八人駐城西資教寺時趙孟傳以沿海制置使鎮四明將作監謝昌元亦寓於明故與鏞善謂鏞曰爾第先往曉以順逆我二人卽以兵繼之鏞往明日元兵四集孟傳昌元懼乃以兵獻於慈谿之車廄鏞不屈死闔門十七人皆赴水殉焉惟仲子濶祖甫六歲僕沈蘭出諸水而藏之得免鄉志所謂遺孤廟是也

潤祖字澤民號野航生士元號菊村士元生珠字廷玉是爲柳莊先生有詩集一卷余錄存之而未刊也靜思諱忠徹柳莊之子也官尙寶少卿嘗撫拾古今忠賢暨諛佞著爲傳記二十六篇曰效顰集見於贈漢陽趙教諭弼致政序余猶未見其全書第於所自述者觀之一則曰先忠臣死節事亦具見之再則曰語及先忠臣之事恨不與之同時而刃彼趙謝二子者則春秋大復讎之志可見矣它如跋其祖菊村布衣歌及詩集曰視彼汲汲以金帛貲產爲子孫計者大有不侔更述菊村言

循臺外集

序

二

四明叢書
約圖刊本

曰吾家自德祐忠臣遇害書籍賈玩悉爲族人天錫父子所得今所蓄書皆吾手親置將以遺吾子孫脫有不具諸物可貨書不可去也其朝夕懼忝先德也又如此柳莊與靜思歷事明太祖太宗靜思且及仁宗英宗昔太宗之見柳莊也稱老秀才而不名靜思自幼敏穎近侍以小秀才呼之以帝遇已厚屢進讜言具詳志傳中獨惜魚水之得不敵尺布之謠下之吏繫之獄因怒而械之因言語而罪之而卒免於禍者其處已也苦而國家所以待之者其果厚也耶迨正統四年疏請致仕同

朝賦詩祖餞於齊化門外冠蓋相望人比之二疏嗚呼
亦善自韜晦者矣退休二十餘年放情山水耄耄好學
濟人艱危後嗣又復多賢瑞芝之應豈偶然哉今五卷
本旣不可得卽僅存者考之已可得其大凡陳序所謂
本乎道德者洵不誣矣爰付諸梓它著述俟續訪焉民
國二十七年十月後學張壽鏞

符臺外集

序

三

四明叢書
約閱刊本

序

符臺外稿五七言歌行雜詩凡若干首尙寶少卿袁公
忠微作也大篇之春容短章之精潔蔚乎其文炳然鸞
停而鳳翥也鏗乎其音鏘然玉振而金聲也巍巍乎嵩
華之入霄漢浩浩乎江漢之出於無窮也猗歟盛矣哉
惟士君子之於言必資之於學問本之於道德而尤貴
乎有所遇也不資於學問則其言不文不本於道德則
其理不實言之文理之實而遇非其時焉則和平淳正
之音變而爲憤怨怪僻之語觀於雅頌變風之作可見

符臺集序

一四明叢書
約園刊本

矣公閭閻名門詩禮大家自其先祖菊村先生尊甫太
常少卿柳莊先生並以詩鳴於時公旣得於家庭諷詠
朝夕濡染之益而又能博觀古人翱翔於盛唐諸君子
之閒則其資於學問也爲可徵直內方外茹剛吐柔好
善嫉惡務合至公濟人艱困無異己病則其本乎道德
也爲不誣受知太宗文皇帝寵眷隆厚載筆鳳池護璽
符臺又以風鑑奇術日侍帝之左右論奏忠鯁有密勿
匡贊之功從容廟堂優游禁闈則其際遇明時也爲幸
多矣宜乎公之所作鏗鉤振耀炳蔚浩汗颯颯乎其盛

也夫豈偶然哉昔韓子有言歡娛之詞難工意謂歡娛
之人溺於逸樂富貴故其言發之於荒墮之中出之於
淫蕩之際則其難工也誠宜公居富貴三十餘年退朝
之暇日與縉紳文學磨礱諷詠講求精密不造其極不
止也其視溺於逸樂富貴者其賢不肖奚啻千百哉予
忝與公同郡嘗遺書寄示此集俾予讀之倡歎之餘因
僭序此以復公其有以教我也正統二年陳敬宗

光緒鄞縣志本傳

袁忠徹字公達一字靜思自幼敏穎異常父琪精於風

鑑忠徹得其傳李賢撰洪武三十年燕王遣儀衛司正

蔡禮齋帛延琪忠徹隨行命相王對曰貴不可言王密

令中貴引府僚屬護衛官易服俾忠徹閱之皆灼見出

處貴賤王諭琪曰汝子精神目力勝人必偉器也當加

教之仍歸建文元年忠徹復應召至北平王曰今崩皇

帝喪未踰年變亂成憲猜忌諸王禍將及矣忠徹啓曰

殿下以皇叔之尊宜終大孝之情天命有在福德有歸

帝集錄鄞志傳

一四四期叢書
約園刊本

未必能售也凡機不密則事露慎勿輕言王深獎之命

近侍以小秀才呼之時兵仗局煅煉之聲四達忠徹謂

莫若深掘地窖上覆以屋則聲不遠聞王從其計黃澗

行狀○案開中今古錄琪遣忠徹王仲光曰此數莫

逃問兵仗曰地窖無聲何以告其父而如其言據此則

地窖之計乃仲光會王宴北平諸文武使忠徹相之謂

所教與行狀微異都督宋忠布政使張昺都指揮謝貴都督耿璈僉都御

史景清皆當刑死王大喜起兵意益決及為帝卽召授

鴻臚寺序班賜賚甚厚明史忠徹入謝曰陛下當畏天

修德偃武崇文率由舊章振肅綱紀擲節財用明慎刑

罰禮貌大臣黜陟臧否用臻太平之治並嘉納之墓表帝

問前代養賢如何忠徹對曰臣不能遠考前代請以臣

先祖爲山長時鄞縣事言之縣屬府有府學縣學外有

四書院宋元來自有府縣學田每年收租多至數千石

少不減三千凡世宦業儒之家籍名於學衣食婚喪皆

取給焉列爲儒戶無差役之擾凍餒之虞遠方之士視

之如歸故得以肆力於學伏願舉而行之學者之幸也

帝曰然待徐議之行狀陞尙寶司丞永樂四年○墓表

成祖無庚申年分據行狀乃丙戌十月庚申墓表誤改

以日爲年而嘉靖志亦作庚申則仍墓表之誤也

徐景集 鄞志傳

一四 朔明 敬書

中書舍人行狀七年新營北京忠徹扈從每預大議嘉靖志

有言楚王子重瞳者遣忠徹往視還奏無他異分省人物考

復扈駕北巡駕旋仁宗監國爲讒言所中帝怒榜午門

凡東宮所處分事悉不行太子憂懼成疾帝命遷義金

忠偕忠徹視之還奏東宮面色青藍驚憂象也收午門

榜可愈帝從之太子疾果已帝嘗屏左右密問武臣邱

福朱能張輔李遠柳升陳懋辭祿文臣姚廣孝夏元吉

蹇義及金忠呂震方賓吳中李慶等禍福後皆驗本傳

奔父喪葬畢復召赴京扈征瓦剌嘉靖志十四年九載考

嘉靖十四年九載考

滿復爲尙寶司丞十六年進少卿

行狀○案墓表丙子陞少卿攷成祖無丙

子年分據行狀乃戊戌三月丙子墓表誤以日爲年禮也嘉靖志作丙辰陞少卿則又因丙子而誤丙辰矣

部郎周訥自福建還言閩人祀南唐徐知諤知誨其神

最靈帝命往迎其像及廟祝以來遂建靈濟宮於都城

祀之帝每邁疾輒遣使問神廟祝詭爲仙方以進藥性

多熱服之輒痰壅氣逆多暴怒至失音中外不敢諫忠

徹一日入侍進諫曰此痰火虛逆之症實靈濟宮符藥

所致帝怒曰仙藥不服服凡藥耶忠徹叩首哭內侍二

人亦哭帝益怒命曳二內侍杖之且曰忠徹哭我我遂

符藥外傳

一二四明叢書

約園刊本

死耶忠徹惶懼趨伏階下良久始解帝識忠徹於藩邸

故待之異於外臣忠徹亦以帝遇己厚敢進讜言嘗諫

外國取寶之非武臣宜許行服衍聖公誥命宜改賜王

軸

本傳

輔導太子宜選文學老成之臣

嘉靖志

婦人入宮父

母兄弟不得再見縱有事不宜抄錄家屬

行狀

聞者避之

本傳

二十年

行狀

與皇甫仲和扈從北征師至漠北不見寇

將引還命仲和占言今日未申閒寇當從東南來王師

始卻終必勝忠徹對如之帝怒曰汝二人朋比欺我乎

命械之且曰今日寇不至二人皆死乃命中官往偵之

口中不至復召二人對占如初頃之中官奔告曰寇大至矣以礮擊之寇騎復前再擊之寇不動帝登高望之

曰東南不少卻乎亟麾大將譚廣等追擊寇稍退俄疾

風揚沙兩軍不相見寇始引去帝即欲班師二人曰明

日必降請待之至期果降明史皇甫仲和傳洪熙改元行以

言語獲罪且不測少保夏原吉諫以忠徹為先朝所愛

乃止罷官懷麓堂集夏忠靖傳賜還家宣德初復起前少卿嘉靖志

上御右順門行狀忠徹觀帝容色曰七日內當有宗室謀

叛者漢王果反本傳正統四年六月忠徹疏請致仕有旨

符彙亦集

四四明叢書

約園刊本

著回原籍養病守墓賜鈔二十錠當出齊化門同朝賦

詩宴餞冠蓋相望行狀人皆羨如二疏云墓表忠徹相術不

殊其父本傳嘗謂布政使白圭曰都御史王文尚書于謙

何不退圭問何為曰王面無人色法曰瀝血頭于雙目

常上視法曰望刀眼水東日記後果如其言所傳軼事甚多

本傳性好學甬上耆舊傳博涉多聞詩有奇氣胡儼撰傳退朝之暇

日與縉紳文學磨礪諷詠陳敬宗符臺外集序不僅以藝名蒼齋傳

休致二十餘年本傳家法嚴整內外肅然黃潤玉瑞芝詩序濟人

艱困無異己病符臺集序天順二年卒年八十三墓志所著符

臺外史載元順帝爲瀛國公子云

本傳○案符臺外集永樂十五年五月十

八日我太宗文皇帝御武英門命內官李謙王吉於古今通集庫取宋列帝遺像命臣忠徹及畫士百戶徐英觀之上笑謂忠徹曰宋太祖以下雖是胡王鼻其氣象清灑若大醫然十九日上復御武英門命臣忠徹同內侍王吉看元列帝像俱魁偉雄邁上笑曰都喫蘇羊肉者及觀順帝像顧謂臣忠徹曰惟此何爲類太醫也忠徹斯時承命未審俯首莫對今蒙賜老田里得以歷考宋元史傳暨元學士虞集所作第十六飛龍之詩果符太宗文皇帝之言

子應驥字仲舉永樂二十一年歲貢

西明詩

錢志袁應驥

爲人謙沖自持

錢瓊撰袁孟思墓志

治尙書以父所

著人象大成進授鴻臚寺序班

成化志○案瑞芝詩序

其祥進書楮庭次子應驥撰

應驥字季良官豐城簿善

衍齋集

郭志傳

五一四明叢書

約園刊本

畫應驥子孟思別有傳應駘子孟惠字子善貢生工於

寫竹其飛白竹尤佳云

四明書畫記

明史方伎傳 附父珙傳

袁忠徹字靜思幼傳父術從父謁燕王王宴北平諸文武使忠徹相之謂都督宋忠面方耳大身短氣浮布政使張昺面方五小行步如蛇都指揮謝貴擁腫蚤肥而氣短都督耿璈額骨插鬢色如飛火僉都御史景清身短聲雄於法皆當刑死王大喜起兵意益決及爲帝卽召授鴻臚寺序班賜賚甚厚遷尙寶寺丞已改中書舍人扈駕北巡駕旋仁宗監國爲讒言所中帝怒榜午門凡東宮所處分事悉不行太子憂懼成疾帝命蹇義金

御書林 明史傳

一四明叢書
約圖刊本

忠偕忠徹禱之還奏東宮面色青藍驚憂象也收午門榜可愈帝從之太子疾果已帝營屏左右密問武臣朱福朱能張輔李遠柳升陳懋辭祿文臣姚廣孝夏元吉蹇義及金忠呂震方賓吳中李慶等禍福後皆驗九載秩滿復爲尙寶司丞進少卿禮部郎周訥自福建還言閩人祀南唐徐知誨知誨其神最靈帝命往迎其像及廟祝以來遂建靈濟宮於都城祀之帝每遣疾輒遣使問神廟祝詭爲仙方以進藥性多熱服之輒痰壅氣逆多暴怒至失音中外不敢諫忠徹一日入侍進諫曰此

痰火虛逆之症竇靈濟宮符藥所致帝怒曰仙藥不服
服凡藥耶忠徹叩首哭內侍二人亦哭帝益怒命曳二
內侍杖之且曰忠徹哭我我遂死耶忠徹惶懼趨伏階
下良久始解帝識忠徹於藩邸故待之異於外臣忠徹
亦以帝遇己厚敢進讜言嘗諫外國取寶之非武臣宜
許行服衍聖公請宜改賜玉軸聞者避之宣德初覲帝
容色曰七日內宗室當有謀叛者漢王果反嘗坐事下
吏罰贖正統中復坐事下吏休致二十餘年卒年八十
有三忠徹相術不殊其父世所傳軼事甚多不具載其

衍聖公宋明史傳

一四明叢書

約園刊本

相王文謂面無人色法曰瀝血頭相于謙謂曰常上視
法曰望刀眼後果如其言然性陰險不如其父與羣臣
有隙卽緣相法於上前齟齬之頗好讀書所著有人相
大成及鳳池吟稿符臺外集載元順帝爲瀛國公子云

鄞藝文志

袁忠徹瀛國公事實

明文衡 案西袁氏家乘又有靜思年譜

古今識鑿八卷

明志 百川書志 絳雲樓書目 浙江書錄采古今相法有奇驗者

人象大成二卷

述古堂書目 玄賞齋書目 分省人物考作人象大成書黃氏書目作

人象

相書機要

西袁氏家乘

袁氏家藏古玩一卷

天一閣書目

客坐新開

案四庫子部近峯閣略提要當引是書

符臺外集五卷

明志 浙志

符臺外集 著作考

四明叢書 約屬刊本

鳳池吟稿

浙志 嘉靖志

拙休稿

浙志 嘉靖志 誤作林

瑞芝詩集

南山集 黃澗玉序曰吾四明西門袁氏在宋德祐進士諱鏞者值元兵臨境罵敵

死節世孫柳莊先生手樂中官至太常少卿先生之子徽官尚書少卿家法嚴整內外肅然尚書之

宜人邊氏相夫以禮事舅姑以孝睦宗族恩切履撫嫡庶遇婢僕皆克盡道無間言斯尚書公遠仕京

師而無內顧之憂者宜人力也尚書公晚年命宜人營室於第第而堂楹產芝厥子應麟狀其祥進書楮

庭凡書名公巨卿託交於尚書公者詠歌之而祭酒胡公儀記其事品彙成族仲子鴻謚願鏞鏞板以

傳題上瑞芝詩集開出示子欲序所以作詩之意子觀詩詞所美雖主於宜人而其實則尚書明太常尚

寶身倚家濟之效也宜人而賢固不為無所助然妻道無成豈得而專之哉故袁氏名其堂曰承德其

亦有見
於斯云

符彙外集

著作考

四明叢書
約園刊本

符臺外集目錄

卷上 詩

長短句

乙未元宵賜觀燈

應制玄冕

送余侍講鼎致仕

賦滄浪亭送興化太守李至剛之任

題紫雲閣

遊茅山

符臺外集目錄

一四明叢書

約園刊本

題吳松沈鍊師清泉卷

題環碧軒

送國子生省親

題雲東親舍

送太醫院使徐叔拱先生致政

送李參議守中告養疾

應制甘露

積善堂爲安仁徐伯器

寄七叔父州判廷珪

送顓無逸住寶雲寺

壽彩堂爲越李惠

具慶堂爲右給事中孫述

元霄賜觀燈

題雲山圖爲兵部徐郎中晞

題五馬圖爲宿州王知州永隆

題尙寶葛貞海嶽朝陽圖

題天台夏廷簡所藏山水圖

五言絕句

存齋集

目錄

一四明鼓書

約園刊本

題龍江驛

題梧桐枝上太平雀

題畫竹扇

重陽思家

寄倪十一丈友益

春寒

題風雨歸莊圖

題滄江漁樂圖

早春齋宿

擬相二首

七言絕句

欽和天不雨雪憂民吟

早起

晚行

七里灘待潮

西小江

渡錢塘

吳山晚眺

符齊集

目錄

三

四明叢書

約園刊本

登吳山廟

宿吳江簡友人

登虎邱贈友人

過洞庭湖

贈恢上人復宗

用韻答董尚寶儀

憶二子

石筍

乍歸

故山

四明山

竹扇

過揚子江

浦子口和曾狀元棨韻

過淮河

寄陳孟顥先生

登歌風臺

濟寧宿用前韻答曾狀元子啓

符彙外集目錄

四四明叢書

約園刊本

陶山驛避雨贈彭修撰汝器

宿直沽

直沽卽事

答彭修撰汝器韻

扈征至沙漠臚胸河築滅胡城完金學士幼孜

同子登城有作詩以和之

永樂己丑巡狩北京冬月同錦衣衛指揮紀綱

奉命馳驛南還過盱江紀事

翰林王侍講洪進章不報詩以慰之二首

送禮部呂尚書宸齋詔歸朝

赤城

咸陽宮

漢陵

題回中王母宮

題雲中君圖

題海棠白頭翁

岳陽樓二首

題監生俞安秋山遠眺二首

存齋集目錄

五十四冊藏書

一約園刊本

正統丁巳四月望階張卿信南園看花有感而

作四首

題滄江漁樂二首

次胡祭酒儼送胡給事清回京韻三首

次李祭酒時勉寄懷韻五首

病中口占

對雨

卷下 雜著

賦

白鹿賦

贊

自贊

封宜人邊氏像贊

序

人象大成序

送修撰朱君祚歸省墓序

贈漢陽教諭趙先生致政序

送淞江都閩幕賓陳侯獻績序

荷葉外集目錄

六一四明樓書

約圖刊本

傳

袁宜人邊氏傳

跋

敬跋檢閱先祖布衣歌

書嘉澤廟神惠應侯李夷庚敕後

書趙松雪墨蹟後

書淵明行樂圖并鮮于辭卷

敬跋檢閱先祖詩集後

敬跋莊靖汪公大猷和歸去來辭

敬跋御賜丹溪醫論

跋蛟川唐矩一經齋卷後

紀瀛國公事實

祭文

祭姚少師廣孝

贈榮國公諡恭靖

祭朱逢吉先生

祭大醫院張御醫逢吉

祭泰寧侯陳愉二篇

祭贈恭人伊氏

祭酒陳敬宗母

存齋集目錄

七十四朝報書

約園刊本

祭光祿寺丞李伯震

祭居密先生盛景華

御醫盛啓東父

祭兵部職方員外郎袁安

祭翰林修撰桂宗儒

祭韓府伴讀葉銘臻

立高祖宋德祐忠臣碑祭文

朝命追贈顯考祭文

追贈顯考告祖

歸省告祖

歸省告顯考二篇

歸省祭七叔父州判

歸省祭三兄忠教

歸省祭妻母余氏

歸省遺京告祖

欽取赴京告顯考

聞母太恭人倪氏訃蒙恩奪情命姪應驩代奔

喪祭文

歸老養疾告祖

存案外集目錄

八十四明鏡譜

約園刊本

歸老養疾告考妣

立長兄忠救嗣告祖

歸養疾祭邊父母

陳氏祭父母

代

陳氏祭外祖母

代

養病得請告先世啓行訃

祭外母余氏

生日祭考妣

符臺外集卷上 詩

明勤 袁忠徹靜思撰

長短句

乙未元宵賜觀燈

聖皇御天開太平萬方□□□□□□□□□□
五風十雨年豐登聖□□□□□□□□□□
情神羊秉令當元正堯□□□□□□□□□□
鏖山屹立翠崢嶸金蓮□□□□□□□□□□
清恍如一夜東風生千樹□□□□□□□□□□
疑雲中仙仗隨鳳笙魚龍□□□□□□□□□□
輕歌喉宛轉韻春鶯璫筵綺席羅簪纓珍廚雜選酒如澗
嵩呼獻壽騰歡聲小臣何幸被恩榮也陪鶴鷺造彤庭
萬歲千秋歌太平

應制玄兔

聖皇御宇四海寧梯航奉贄寶王庭乾元毓秀坤效靈
千祥合選紛來并豈惟駟牙與鷓鴣應時亦有玄兔生
知是太陰初降精又疑夙孛瑤光星墨花散作雲陰凝
跌宕銳耳紅縑繡昌辰感此昭文明置之玉墀馴不驚

觸株脫穎何足評
蟾宮搗藥徒勞形
孰若獻瑞當昇平
天顏悅豫敞龍屏
兩階拜舞騰歡聲
小臣作歌歌休徵
陛下萬歲垂鴻名

送余侍講鼎致仕

廬山九疊青於藍
上有危峯橫空插
漢高巉巖平湖萬
頃深莫測鯨波浩
蕩峯天黑山峻極
兮不可攀尤憐五
老削出青霄寒有
時天清日朗淨如
洗使人一見開愁
顏仙翁舊在茲山
住幡然高步青雲
端不知兩鬢如霜
雪還襲輕裘傍金
闕手中鍊石輕女
媧五色曾將補天
缺飄飄忽作小山
遊丹霞光動雲錦
裘金雞叫徹扶桑
曉山鳥啼聞桂樹
秋歸時睫有登臨
處彭蠡湖邊落星
渚青牛或向月中
眠黃鶴時來洞前
舞仙翁兮仙翁片
帆歸路乘大風匡
廬瀑布在眼中竹
林寺裏誰能到武
陵溪底或有漁郎
通送君西南行把
酒金臺上亦知別
來不見重相思相
思直上金臺望

賦滄浪亭送興化太守李至剛之任

滄浪之亭渺何許
乃在太湖之上吳
門之下秋波徹底
倒簷楹曉漲無邊
澄玉宇樽桑赤烏
光旦開淨疑天鏡

無纖埃過客豪吟發長笑鮫人停織淚盈腮嗟哉造化
爲爐鑄出此境何奇哉明霞燦爛長風來畫船士女歌
舞相徘徊排空濁浪濺石如轟雷誰憐羨陂波濤萬頃
琉璃堆卻憶昔時蘇公竟何往至今孤亭屹立而崔嵬
莆田太守舊宗伯五馬南行畱不得經過弔古獨含情
把筆題詩對秋色也知莆田黎庶待軒車願君早副民
望莫躊躇

題紫雲閣

憶昔西遊訪靈谷杳嶂天開如逐鹿石門半掩螭龍嘘

持素集 卷上

二四明叢書

約園刊本

絳氣扶疏射林木伊人好樓居直欲巢雲嶺雕甍縹緲
插層霄虹霓倒影翻巖瀑酌君紫霞漿聽我紫雲曲不
同蒼狗與白衣豈數玉葉敷金枝檻前春深紅雨漲桃
花滿地飄胭脂清都羽客謫仙子坐當九疊錦屏裏丹
光盡日浮綺疏中有神燒鉛汞水醉呼安期來上頭紺
空氣拂千厓秋我欲來分半閒宿無心坐待羣真遊

遊茅山

若有人兮仙爲徒佩明月兮御颿車遙指三茅之絕境
不踏赤鯉遊蓬壺夕宿白雲之真館曉謁紫陽之穹廡

手招茅君翠微裏瑤池青鳥飛來孤千年石壇長瑤草
碧桃花落春模糊坐談□枝鶴所折松聲洶湧驚猿呼
高攀積金峯絕巘開芙蓉載窺華陽洞厓石爭盤紆長
時霏翠洒空雨溟濛晝溼丹霞裾龍湫水腥兮啓蟄鶴
頂寫化兮成鳧瀨石髓於空谷歌洞章於雲衢跨黃鶴
以覽八極占斗罡而步靈虛靈童兩兩降仙嶠遺我五
色之珊瑚祕受丹藥訣綠簡金魚書養真可以保長生
慎勿輕泄驚凡夫回首叫昇元煙霧迷歸途月出杳難
攀望望隔玄都

符峯集

卷上

四四門藏書

約園刊本

題吳松沈鍊師清泉卷

雲間奇峯壓海甸九朵芙蓉插霄漢中有神谷泄混茫
噴薄流泉淨如練憶爾學道居上頭羽輪不向蓬壺遊
試將陰火煮石髓氣挾沉瀆凌高秋琅玕影落空霧溼
光涵皎月手可挹綠波忽訝洞天開幽深賸有蛟龍蟄
子爲清泉隱我爲清泉吟濯纓坐蒼苔照見千古心竟
須去覓潁川水胡不聽奏高山音葛洪徒畱煉丹井後
來作者誰復尋自是瑤池隔瑤樹揮毫爲寫滄洲趣欲
求一勺洗膏肓春風重憶桃源路

題環碧軒

龍峯拔空起秀積中天青軒轅煉丹昔至此石髓迸裂
芙蓉屏一絲縈漾光溪水雲影歸飛鏡光裏高人何處
築茅堂境環一碧秋千里絕噉蕭蕭爽氣來十二幽闌
落霞紫坐看寒雨洗琅玕翠撲湘簾隔書几靈颯忽度
採芝歌鶴聲白晝驚煙蘿只疑身世在玄圃玉樹偏傍
瑤池多我亦遐想超塵溢何日蒼嵐分半榻

送國子生省親

雞鳴山前曉秣馬送子南還辭日下霜鴻聲斷西風高

符素集

卷上

五十四明報書

初園刊本

一片飛雲隔親舍小孤木落湖水渾歸路正遶柴桑村
手折黃花弔陶令江山風月須吾論千秋一悲慨落日
照海門收帆故廬近歡聲迎弟昆綵衣登堂拜家慶紫
蠲新醪足高興挈家蚤晚赴京華六館青鐙候歸詠

題雲東親舍

九峯如點煙白雲互吞吐長風盡日吹不消卻向雲東
結茅宇朝迎白雲來暮送白雲去背堂萱草悲孤根獨
有靈椿長高樹自從一別遊京師祇今已是三年期西
瞻太行夢不到此心直繞華亭飛鶴坡遺舊業親庭冷

斑衣而翁誰爲養秋風鬢爲絲胡爲瞻雲在日下山接
蘇門隔親舍吳松霜落蓴鱸肥盡撫新愁寫圖畫寫圖
畫索題詩氣拂長虹淚交頤他年恩詔許歸覲寄我明
月三江湄

送太醫院使徐叔拱先生致政

我聞東南山水稱吳淞九峯三泖居其中湖光連天湛
寒碧炯若冰壺倒浸青芙蓉玉女雙蛾拂晴黛石屏疊
翠何處捲飛鸞一去紫霄迴白鶴不歸華表空星移物
換自今昔閒氣往往英靈鍾邇來幾百載乃見仙之翁

笥纂集

卷上

六十四明叢書

約園刊本

龐眉秀霜雪積玉顏如童結廬只在鶴坡下懸壺或向
梅梁東處世久知輕市道活人自信多陰功嗟哉橘井
泉枯秋草沒杏林寂寞多遺踪爭似先生妙醫國屢承
清門蓬萊宮瑞錦五花榮紫誥流霞九醞分黃封夫何
歲云暮桑梓懷忡忡皓首伏丹闕懇詞達宸聰忽承優
詔許兼被恩渥隆鳴騶雜選出畿甸金臺祖席雜羣公
二疏高誼日已遠疇能舉嗣隨冥鴻白慚蒲柳質竊祿
疏且慵豈無綠玉杖亦有朱絲桐何當策高足上下如
雲龍焉得覓黃石安能追赤松離婁罔象眞謾爾黍米

刀圭徒費工且須把明月乘冷風呼吸沆瀣超鴻蒙與
君日醉蟠桃謁王母仰祝聖壽直與天地爲無窮

送李參議守中告養疾

聖皇統天運策馭多才士知君事業著鼎常盛世登庸
良有似昔年佐縣居琴堂尋看給事黃門郎華省陞遷
地官署拜參南廣聲尤揚薇垣政雨多閑暇近沐寵恩
贊司馬八桂風流幕府蓮籌畫人皆在其下縉紳鼓舞
殊未涯何爲遺疾辭皇華聖恩如海賜休暇櫂棹秋風
想到家家慶堂上春村醪饌頭好梅簷放雪晴蘭砌生

符素書卷上

七

四明叢書
約園刊本

春早自古人誇畫錦榮況君白髮遂高情莫因鷓鴣社耽
幽趣須記鷓鴣班待漏行

應制甘露

聖人在位四海寧孟冬時狩仍閱兵鐵騎森森向晨起
金戈矗矗連雲橫我皇盛德同天地祝網三驅布仁惠
乳星燁燁動祥光膏露灑灑協和氣侍臣探掇獻明廷
百官拜舞騰歡聲儼似丹丘來寶鬣遠勝漢室誇金莖
乃知休徵臻至治嘉禾況表豐年瑞小臣作歌歌太平
聖子神孫千萬世

積善堂爲安仁徐伯器

君不見鄴林之木高千尋託根厚地何其深又不見黃
河之水日千里發源遠自崑崙趾人生積善亦如是慶
澤綿綿在孫子徐君奕葉稱世賢一門積善相蟬聯光
風霽月襟懷裏翠竹蒼松吟嘯邊日散千金無德色卹
匱周貧蘇困厄有時倒廩復傾囷已見鄉閭蒙惠澤雲
錦山前林壑幽白雲萬頃春溪流有田可耕書可讀子
孫燕翼眞良謀我爲積善歌萬善歌不足古來積善慶
有餘歲歲年年長蘭玉

符靈集卷上

八

四明叢書
約園刊本

寄七叔父州判廷珪

去年叔父適岢嵐北風吹雪凝紫髯太行山高暮雲白
幾回駐目停征驂遙想今登六旬五白髮蕭蕭樂安堵
前日書來知起居王事驅馳多靡盬卻憶當年遊泮宮
奎光五色凌雲虹一朝應聘中天選茂名滿縣桃花紅
平生高節尙清白挈家忽被塗陽謫顛沛不墜君子風
聖主聞之舉幽側拜官紀善承寵光九重出入隨鷓行
雨露恩深浩無際錦衣載擢黃樞郎徹也無寸長叨受
金門詔職守符璽居尙方退食每蒙天語勞今年胡爲

命不辰展轉歷事皆艱辛深荷皇仁奪天造正如枯木
回陽春徒有寸草心祇慮雙親老何以答春暉但願齊
壽考二兄耕鑿守故園三兄折桂期來年致數二弟各
弱冠可能有志光前賢萬里相望如慕蘭佳會須知在
朝覲人行恩恩不盡言聊寫新詩當音信

送顯無逸住寶雲寺

四明老開士學者難同流白業究竟般若義尤工詩律
追湯休年來應詔朝京國華藏經幡耀金碧乃知說法
徧神州又向鄞城主雲席神光晃耀麟鳳洲聲華復振
東海頭六時清磬磬谷靜半窗落葉林垞幽香雲滿室
定初起波旬無言亦皈禮麾呵佛祖誰敢當露出摩尼
湛秋水山靈協贊呼五丁與師掃卻芙蓉屏降龍夜半
月在鉢長空萬里天冥冥

壽彩堂爲越李惠

越山青越水綠翠屏一帶環寒玉白雲孤飛山水閒下
有幽人結茅屋屋前椿樹何籠蔥屋後露滴萱花紅雙
親堂上撫垂老龐眉鶴髮顏如童人子親親心長願松
柏茂升階舞綵衣深杯介眉壽一朝應聘來京師問安

膝下傷睽離晨昏定省甘旨缺故山望斷孤雲飛雲飛
三江隔親舍愁聽林鳥叫清夜錦衣歸省良及時會寫
新詩入圖畫

具慶堂爲右給事中孫述

人生父母懷深恩等天地自古春暉寸草心願奉親闈
逾百歲孫君有親雙鬢皤歡言具慶當如何旨甘滂髓
怡朝夕滿堂和氣春風多庭前椿樹添新綠階下萱花
耀晴旭婆娑謾舞老萊衣壽年年年泛醴醪况復佳兒
侍聖皇佩玉登金承寵光會看錫誥榮桑梓樂親之志

符彙集卷上

十一四明叢書
約園刊本

良存是

元宵賜觀燈

九重天開春浩浩萬象森羅列光耀山川淑氣藹如雲
瑞擁靈鼇戴仙島彷彿蓬萊第一峯瓊樓玉殿神仙宮
左股瀛洲右方丈丹崖翠壁千萬重高踰崑崙低五嶽
燄吐精流金灼爍星橋火樹萬花明神女仙翁跨鸞鶴
聯班獻歲朝至尊分圭縹組登金門三呼踊躍對休命
無疆脣服齊乾坤至尊坐御紅雲幄鳳舞麟參振天樂
洪恩厚澤沛八方詔與斯民永同樂永同樂萬福全華

夷一統仁如天小臣俯伏願請祝天壽十二萬九千六百之長年

題雲山圖爲兵部徐郎中晞

四明有客癡且狂半生蹤跡遊四方野性從來樂山水
不覺毛髮成蒼蒼一年客天台赤城霞氣連蓬萊洞簫
咽月登瓊臺仙巖二月桃花開一年客耶溪綠陰雨歇
黃鳥啼美人蕩槳採蓮去小兒拍手歌銅鞮一年客錢
塘六橋三竺春風香海門巨漲瀉空碧南渡衣冠巨壘
荒一年客金陵龍蟠虎踞王氣凝天街車馬互馳騁玉
樓歌舞多娉婷一年客直沽乘濤鼓柁登北都雲門宮
闕插天起王侯甲第連通衢年年只在江湖路流水白
雲多雅趣生綃一幅寫丹青彷彿當時舊遊處竊祿承
恩三十年畫圖景物還依然君家祇在黃山裏相過擬
賦歸來篇

題五馬圖爲宿州王知州永隆

使君倜儻姿而有武子癖豈徒悅目愛龍媒更喜千金
購眞蹟邈來身佩太守章春風五馬生輝光大道寶帷
耀恩寵攬轡並學騰翺翔金門儼直罽塵遠咫尺披圖

見沙苑碧樹涼飈巨磧秋綠莎小雨平坡晚想當意匠
經營中澗池雲霧藏毫鋒斯須逸驥祥麟出素蚪或閒
連錢騷紫駟美脊翻霞錦毛骨森張氣雄甚歷覽從前
二十蹄僕御善調皆絕品惜無田子方空愧楊子華年
多物化自形影感今懷古令人嗟我作歌歌五馬安得
真能有如此圖者吾將致之閭闔迴生風回視冀羣才
盡下當今聖德覆載同堪與似閭闔上東封書天閣十
二飽芻粟時獻君王駕鼓車

題尙寶葛貞海嶽朝陽圖

齊東野語

十二四冊藏書

約園刊本

盤盤出重嶂浩浩吞巨川飛翠積晴嵐蟹氣含蒼煙峯
頭赤日麗中天上藥井知何年世傳仙翁煉丹處至
今合選開青蓮秋風鶴唳厓谷裂湖底泉流凜冰雪符
臺有孫忽思家夢魂夜度蘆溝月月照佩環送我遊仙
關仙人手把綠玉杖引我輦背同躋攀麻姑聞之笑相
待石磴葉落莓苔斑流飈遞絕響孤猿笑林閒拂琴一
曲奏流水回瞻上國雲千里

題天台夏廷簡所藏山水圖

騎鯨訪海六鼇三島遊安得跨鶴向鱗洲崑崙玄圃信

雖求天台山高壓東越虹光霞彩凌丹丘上接三十六
洞之奇勝中有銀河倒瀉百尺之玉流仙人誅茅石梁
畔絕境彷彿開清幽石嵐吹寒作飛雨古木盡脫瓊臺
秋長松之下赤土坼茯苓多年成琥珀不見劉郎採藥
過至今殊負桃源約銓曹有客僻愛山竟挾天飈辭我
還芝房何處俯雙闕青鞋布韞不厭重登攀掃黃葉兮
煮石髓餐三秀兮歌商顏白雲兮往來思夫人兮隱潺
湲臨歧爲爾賦長句寫入層厓寄幽素高堂掛卷風煙
生夜半虹光射芳樹

符臺外集卷上

十三

四明叢書
約園刊本

五言絕句

題龍江驛

天塹分南北江亭幾送迎人生百年內得失一毫輕

題梧桐枝上太平雀

文禽呈五色飛上碧梧枝何不學鳴鳳朝陽刷羽儀

題畫竹扇

齊紈似明月誰寫拂雲梢不爲風搖動還應鳳作巢

重陽思家

九日相將近黃花次第開饕頭新酒熟知是待歸來

寄倪十一丈友益

鄆城有佳客與世不同波咫尺無由見相思可奈何

春寒

薄冷驚羅幕輕寒鎖畫樓陽和無定約花鳥亦含愁

題風雨歸莊圖

江頭風浪高欲漁不可得衝雨且歸來一壺聊自適

題滄江漁樂圖

煙波千頃靜風月一絲輕黃髮耽游衍無心立隱名

早春齋宿

符彙外集卷上

十四四明叢書
約園刊本

夕照峨眉月寒生羊角風高齋多逸豫塵想坐來空

擬相二首

人象配天地非相亦妄說目力儻精研賢愚可分別

瞭眊觀其眸正邪預知覺聖哲著明言須當究心學

七言絕句

欽和天不雨雪憂民吟

一冬無雪到青陽聖主深憂二麥傷特敕調元諸宰輔

共修明德叩穹蒼

早起

事定徵求有若干自憐跛足步行艱空城瓦礫含煙霧
那有荒雞破曉寒

晚行

糜祿京華未許歸故園風物意多違不辭石磴層層險
薄暮登臨月滿衣

七里灘待潮

倚棹桐江對夕陰鳴灘浪湧雪花深我家祇隔錢塘水
誰識羊裘玩世心

西小江

符彙集卷上

十五四明叢書

約園刊本

連峯過雨碧雲稠一塔岢峿江上頭謾向錢塘明月夜
長歌擊楫泛中流

渡錢塘

夕陽江上泛歸航越上青山是故鄉翹首北堂知不遠
到家先獻紫霞觴

吳山晚眺

獨上層岡對落暉悲風萬里著征衣故園咫尺浮雲外
清夢悠悠未得歸

登吳山廟

官棹翩翩江水深，靈胥古廟一登臨。
北風願借孤帆便，應識行人萬里心。

宿吳江簡友人

浪遊江海忽相逢，吳下行吟醉短篷。
歸到石橋知幾日，謾從何處埒高風。

登虎丘贈友人

凌晨弔古陟崔嵬，笑濯長纓洗劒池。
海上青山東望好，羽輪直欲候安期。

過洞庭湖

符彙外集卷上

十六 四明叢書

約園刊本

八月樓船過洞庭，陰雲挾雨晝冥冥。
此身飄泊蒼茫際，吟對君山一點青。

贈恢上人復宗

紺園春靜白雲深，琪樹陰陰午漏沈。
我亦清修林下客，澹然無語契禪心。

用韻答董尙寶儀

紫泥封詔自天來，禁籞風微紫殿開。
疏陋謬居符璽後，提綱賴有出羣才。

憶二子

老年二子總堪憐
少小嬉嬉繞膝前
何似宗文與宗武
草堂燈火事韋編

石筍

石筍亭亭入望長
白雲繚繞動寒光
舟中卧對真奇絕
惱斷清吟九曲腸

乍歸

石榻相違二十春
今宵仍喜息閒身
愁中漸覺饒生意
兒女燈前笑近人

故山

符家集

卷上
十七
四明叢書

約園刊本

故山風物久蕭條
三徑梅開雪未消
旅食京都逾十載
幾番歸夢逐寒潮

四明山

石窗四啓接空濛
中是丹山第一宮
欲叩長生訪平叔
碧爛天外倚西風

竹扇

手攜竹扇幾經年
舒卷隨時意自憐
不比齊紈中道棄
婕妤高詠至今傳

過揚子江

長江波浪拍天來，煙景蒼蒼向午開。
吳楚山川圖畫裏，石城遙倚鳳皇臺。

浦子口和曾狀元槩韻

老樹江邊旅望寬，西風吹雨逗輕寒。
戎車萬里家何在，一戰功成信有端。

過淮河

長淮夜泊早寒生，風入黃蘆作雨聲。
聞道長年眠未穩，雞鳴解纜月中行。

寄陳孟頤先生

符藻集卷上

十六 四明叢書

漪園刊本

應詔來朝感別離，白雲長動故鄉思。
百年朋舊能存幾，江上梅花似昔時。

登歌風臺

歌風遙識漢臺名，駐馬憑高感慨生。
風物不殊形勝改，巋然闕盡古今情。

濟寧宿用前韻答曾狀元子啓

經秋臥病覺衣寬，強倚篷窗怯暮寒。
目斷任城心正切，數聲鳴雁落雲端。

陶山驛避雨贈彭修撰汝器

淡雲疏雨度瑤臺
扈蹕東封識俊才
自愧鳳池居近密
日陪仙杖贊康哉

宿直沽

白雲飛盡月流光
官堠雞鳴夜未央
落雁一聲天拍水
恍然歸夢度錢塘

直沽卽事

老樹斜陽集晚鴉
秋風茅屋野人家
宦情羈思知多少
尊酒疏籬對菊花

答彭修撰汝器韻

符彙集 卷上

十九

四明叢書
約園刊本

薄宦明時志未涯
二毛漸覺變春華
故鄉三月花如錦
幾度中宵夢到家

扈征至沙漠
臚胸河築滅胡城
完金學士幼孜同
子登城有作詩以和之

萬乘長驅朔漠平
沙河駐蹕築邊城
相攜落日登臨處
宿草荒煙感慨生

永樂己丑巡狩北京冬月同錦衣衛指揮紀綱奉

命馳驛南還過盱江紀事

西風吹雨溼篷窗
黃荻颼颼白雁雙
萬里雲開天似洗

夜深乘月過盱江

翰林王侍講洪進章不報詩以慰之二首

習隱庭深事已非塵封舊篋女蘿衣他年寵資應無愧
贏得新詩滿袖歸

慷慨猶能論是非他時應得繡爲衣從來功業輸年少
何事高情只念歸

送禮部呂尙書宸齋詔歸朝

奎璧聯輝夜倍明忽承飛詔可歸程沙場若遇朝端使
各底平安託寄聲

符臺外集

卷上

二十一

四明叢書

約園刊本

赤城

幾載胡沙犯月行還家自分老徐生夷歌狄語悲秋夜
又復驅車向赤城

咸陽宮

咸陽宮殿久成塵荒草離離幾度春涇渭交流土壠變
行人猶自說亡秦

漢陵

五陵寂歷勢相連荒樹依依慘暮煙獨賴高文仁澤厚
至今遺愛使人傳

題同中王母宮

山倚涇川翠作堆
故宮仙母錦屏開
茂陵草長豐碑斷
青鳥雲中尙往來

題雲中君圖

蓬萊宮闕降靈君
佩服翩翩刺繡文
歸去洞庭明月夜
空歌縹緲隔層雲

題海棠白頭翁

粉膩脂香倚繡屏
一枝無語自娉婷
山翁不愧頭如雪
竊翠偷紅醉不醒

符篆集

卷上

三

四明叢書

約園刊本

岳陽樓二首

洞庭西上岳陽樓
湖色天光接素秋
最愛君山開壯觀
削成玉案截中流
仙翁遺像肅高居
妙句猶存手自書
飛佩昔從三醉後
不聞消息近何如

題監生俞安秋山遠眺二首

秋林物色總荒涼
猶有丹楓媚夕陽
行到水窮看不盡
雁隨漁艇度瀟湘

遊宦江湖老不知
故園風景動遐思
何當乞得還家詔

吟對秋山晚自宜

正統丁巳四月望偕張卿信南園看花有感而作

四首

四月南園雨乍晴沙隄風軟馬蹄輕
聯鑣喜有張公子
花下賡歌樂太平

南望家鄉數百程故園花木正春榮
都門此日耽游衍
何異當年載酒行

馬蹄款款蹴香塵柳暗花明鳥自春
幸遇清朝休沐暇
笑歌莫厭酒杯頻

符蒙集

卷上

三

四明叢書

約園刊本

四十年前應詔來乘春幾度醉金臺
祇今老眼看花眩
對景題詩愧乏才

題滄江漁樂二首

疊嶂參差煙水寒天光倒蘸五湖寬
輕舟短櫂垂綸者
不識黃塵沒馬鞍

兩岸雲山翠欲流涼風嫋嫋度高秋
聖朝側席需遺隱
猶自煙波理釣舟

次胡祭酒儼送胡給事清回京韻三首

此日承恩拜聖皇袖攜天詔紫泥香
使輶南下王門迴

江漢茫茫道路長

皇華迢遞向南遊舟次家山數日畱京口月明湖正滿
故人攜酒餞江樓

雲樹離離滿目秋羣公祖餞更綢繆旗亭日落行人望
何異當年李郭舟

次李祭酒時勉寄懷韻五首

憶昔承恩上帝鄉聯班日日集朝堂鳳池待詔歸來晚
明月疏鐘度景陽

載筆西曹倏直時聖皇清問獨歸遲雄詞諷切人爭誦

復齋集

卷上

三

四明叢書

約園刊本

不讓元之待漏碑

白頭十載滯橋門賸有聲光照後昆歸去鄉山尋舊約
琴尊時共故人論

老來萍跡愧前非楚越相望音問稀獨有寸心同戀闕
夢魂長傍五雲飛

四朝文翰仰師程風節何如宋廣平三徑獨存松菊在
老懷詩酒似淵明

病中口占

鄧西田舍俯清流門掩蒼苔風雨秋扶杖相看時物態

不勝搖落動深愁

對雨

四明山下泉淙淙百尺巖頭雲溶溶如何入夏雨如許
未必此中藏臥龍

符璩集

卷上

三十四

四明叢書

約園刊本

符臺外集卷上

符臺外集卷下 雜著

明鄭 袁忠徹靜思撰

賦

白鹿賦

臣忠徹言宣德元年五月十六日白鹿出於廣東瓊管毛質皎白性擾而馴守土之臣獻於闕下茲實皇帝陛下大德格天和氣薰蒸所致非偶然也臣以菲才忝列侍從覩茲盛美不勝忻忭謹撰白鹿賦一篇拜手稽首以進其辭曰惟聖皇之繼統兮誕恩澤於萬邦粵政修

符臺集 卷下

一四明叢書

約園刊本

而化洽兮致民物之阜康和氣藹而充周兮來瑞氣之穰穰當改元之初政兮承天眷顧而降祥絜白鹿之粹美兮復特出乎炎方想夫其始產兮固拔類而異常脛暉於西兌兮精凝萃於瑤光質崑玉以含潤兮目驪珠其耀芒倒銀漢以自潔兮餐沆瀣以爲糧陋玄豹之隱霧兮空自澤其文章彼蒼兕之博大兮徒觸盛而無良衛海若而翊嶽靈兮走原兔之與山蠻白貂不敢以比色兮大鵬驚顧而迴翔驅豻見而卻縮兮豺獾遠以遁藏固有以異南山之白額兮豈比夫交廣之梟羊朝遊

止乎茂林兮夕偃息乎高岡惟不假於服習兮羌馴擾
而自臧居民集而來觀兮咸怵舞而稱揚曰聖德之所
致兮徵至治之洋洋非下邑之所敢畜兮爰上貢之帝
鄉將接迹乎唐虞之百獸兮舞階墀而踰蹌嬉上林與
靈囿兮瞻日月之清光侶騶虞而遊處兮偕麒麟以徇
祥昭上瑞於明時兮宜福祚之永昌祝聖壽於萬年兮
與天地而同長詎曰祥應於物拔厥倫兮歸於靈囿擾
而馴兮匪祥之祥瑞聖人兮於萬斯年天命其申兮

贊

符臺集卷下

一四冊叢書

約園刊本

自贊

爾貌不逾中人爾骨不爲有神爾學不能洽聞胡爲乎
五歷近臣爾才弗給爾德弗立爾隘且急胡爲乎年逾
六十豈順性而任真亦勵志而效勤以竭力夫君親故
其幸者蒙荷國家之厚恩而其所愧者不能補報於涓
塵噫而猶可以自勉者夙夜匪懈委致其身思以無負
於聖君無忝於前人也

封宜人邊氏像贊

婉婉宜人毓秀茂族蹈循女規姆教是篤惟神之和發

乎其容既安而靜亦肅而恭及笄歸予修飾婦德稱其
賢者內外宗戚既不矜喜亦寡言笑凡所服飾不華其
身惟孝奉親惟敬事長惟勤女紅烹飪織紡顧予菲才
遭遇太宗錫爵頒誥推恩褒封惟我二親幽顯光賁逮
及宜人俱受恩賜洪熙改元老姑云終尺布之謠延戾
於躬庭有紫荆花萼燁燁遠爾異爨心實鬱止抱慚委
順爰始經營鳩工庀材乃棟乃葺有宏其居聿新於故
予所不能資賴規措予覩其相所謂四水相朝五嶽歸
附觀其氣宇有若萬斛之舟寬弘優裕其德儀之美足
永保

序

人象大成序

洪武戊寅冬十有一月太宗文皇帝時在潛邸乃遣典
膳井泉等齎楮幣起臣於家明年正月五日至北京見
上於齋宮因出示相人之書併諭之曰夫三才者天地
人是也天有天文之書地有地理之書人稟五常靈於

萬物古之善相者亦各有書當集爲一家名之曰人象大成以備三才之理且人之貴賤富貧壽夭禍福休咎皆顯然可見亦猶天有星辰之文地有山川之文以昭回于上下也況人之面則又兼備天地之文分五行別四時列九州而按八卦者也其理可不重乎爾父袁廷玉曩授異人之傳得相人之妙者也禍福休咎無不奇驗爾既克紹承家學當究心是書今特命爾與內使哈刺帖木識字人朱琇沈淳畫士白晷以類編輯毋忽臣謹頓首再拜用遵上命書成錄正副二本以進上閱之

符素亦集卷下

四

四明叢書
約園刊本

大悅六月四日上遂分賜其副臣謹拜受是用薰沐備述聖諭冠於是編之端以垂訓於無極俾萬世之下有以知皇上用心無往而非教也臣袁忠徹頓首謹序

送修撰朱君祚歸省墓序

皇上嗣大曆服追崇本始諡號既敷乃進廷臣式舉地封之典誠萬世之奇遇也於是翰林修撰朱祚永年得如制贈其考文真如其官母湯氏爲安人且給楮幣俾其歸省命旣下一時搢紳大夫莫不榮焉忠徹與永年相知爲稔不可以無贈當太宗皇帝之朝予以一箚之

故居閒於家時浙省方伯孫公僑過子言曰海寧朱祚
者能以人所生年月日時推其出處貴賤壽夭其效響
捷因索子所生俾推之其於子復官之期恩遇之次錙
銖不爽予心慕之時先生以薦教授鎮遠侯所子未之
識也比忠徹扈從北征恭承燕閒若曰人文之宣惟與
數三代而下雖圖書具存至宋諸子而後始克闡明有
能源紹其學本河洛之旨爾其具名以聞忠徹因以永
年之名進上可之卽命給駟造朝始獲識永年旣而龍
駕上賓昭宗皇帝試而嘉之遂用爲中書舍人俾知誥

敕宣宗皇帝陞爲今職引自宥密與二三學士參決論
議際遇之盛前古罕儷而忠徹忝在直省日獲相與周
旋距其初遇蓋十五年於茲矣顧惟衰朽業不加修而
永年之名日益彰若山增木升未見其止可羨也己今
國家敷大惠於天下厚於所自出者亦惟使爲之臣者
因其致親之孝以益隆其致君之忠也永年學詞極乎
理而侈之以先知之幾文行卓然亦旣於遠邇而達
乎天子迨今之歸吾知鸞章鳳書與黃金象簡之臨固
將光映乎里閭而焜賈乎泉壤而海隅之山川草木亦

宜同乎是榮矣惟永年尙體列聖知遇之隆式邁其來
上以昭答光寵而下以慰吾人離索之情實所願也永
年往矣寧無致助於斯

贈漢陽教諭趙先生致政序

士君子挾才負器遭際承平而弗臻夫顯融之盛則以
其所學授諸其徒或形之言語文字之間使善有所勸
惡有所懲百世之下仰之而不置斯固史事之餘而有
識之所重也其視碌碌於時無補竊太倉而逃公議者
不爲大有閒哉趙先生弼輔之世爲蜀之重慶人學充

符縣外集

卷下

六十四明叢書

約園刊本

而行端詞辨而言正永樂中以明經之薦分教新繁既
而遷擢漢陽館下之士領鄉舉而入太學者後先相望
人咸以謂先生善教之所致先生嘗撫古今忠賢暨若
諛佞著爲傳記二十六篇而予先忠臣宋進士死節事
亦具見集中名之曰效顰集亦旣板行於世始余得而
讀之見其敘事詳核而論議闕正且有以知先生之言
爲不誣者以先忠臣之本末而知之也六經所載其事
備矣而孟軻氏猶曰盡信書則不如無書吾於武成取
二三策則夫後之紀述名家者有未得而盡信之矣先

生之論或取諸人或得之序說均有可徵而於是非善惡讒佞之辨昭昭乎白黑之陳確確乎薰蕕之異一覽之頃使之感發創艾有不得已者斯其有補於名教矣今年夏先生以滿考來京傾蓋之餘屹若平生至語及先忠臣之事其志恨不與之同時而刃彼趙謝二子者其亦可謂壯哉藉使先生得志於時或典一州或專一郡其功德所至固宜有限而於褒貶予奪之當未必如斯之詳也嗟夫失之彼而得之此先生之名宜永永不替矣先生茲以年耄得請去歸其鄉告行於子子因以其昭灼於斯世者而進序之庶幾知先生者有所取焉

送浙江都閩幕賓陳侯獻績序

余自謝病歸四明處林下者久矣士君子之往來戶屢常滿有道浙閩幕賓毘陵陳侯爲政之善曰簡而通敏而勤至於贊兵政稽得失尤克慎而明焉上之人資其謀畫下之人愛而敬之者交口而稱譽也蓋其所存者合乎天所操者循乎理所施者由乎義歷職莅政六載一日而無初終之閒焉余聞之躍然而喜曰審如是其

游聖人之門而克勵其所學者歟所存合天天之賦于
者其必思之矣所操循禮禮以律己者其必力之矣所
施由義義以制事者其必擴之矣擴而不窒力而不息
思而不昧則於政之所施者將超軼於古人其致上下
之稱譽也宜哉未幾寧波衛指揮馬公率其僚佐相與
徵言爲其秩滿之贈余既素聞陳侯之賢用宜播揚以
彰其善況乎揮使有請言之贈可得而靳乎夫當一面
之重整齋兵甲折衝禦侮而爲朝廷之倚賴者雖在元
戎所以植密贊畫軍政從容於樽俎之間以制其過而

符臺外集

卷下

八

四明叢書
約園刊本

泄其不及者則在幕賓也其職之要當與元戎相表裏
又烏可少哉然非本諸身克勵學力則其內且不足矣
而欲贊襄戎政而取上下之譽者不其難乎若陳侯者
植於內施於政而上下交譽其可謂之賢也已子老且
病於世事百不關心獨聞朝廷賢才之進則爲之喜忘
食今陳侯且往矣銓衡之下必有知其賢而薦達者使
異時膺顯爵列清要則予聽於下風竊爲之增顏焉

傳

袁宜人邊氏傳

宜人姓邊氏名素貞行四慈谿三過望族祖弘道世以詩禮相承父本城好讀書尤精九章之數母岐山余氏有節義侍讀陳君敬宗爲著傳者宜人人生時香氣滿室惟朝夕啼不止父語之曰聞吾兒聲後必當富貴何以啼爲於是啼遂止比長舉息有常度翦結聯製不習而能益爲父母所鍾愛父嘗逮事與弟本立相次沒於南京家日落宜人三兄一弟皆仰育於余氏宜人年二十歸於忠徹忠徹族屬頗眾家法嚴謹宜人溫柔懿恭奉舅姑以孝處妯娌以和下至媵妾無不得其歡心歲時

符彙集

卷下

九

四明叢書
約圖刊本

享祭必誠潔內外嫺戚咸稱其能吾嘗按相書云三停平等五嶽朝揖眉清目秀鼻隆瑩直肩圓背負肌有餘香膚似凝脂肉滑筋藏足底黑子舌上長理行不動塵笑不見齒恬淡之姿嚼有儀悉色莊而溫言寡理益宜人皆有之洪武壬午先君詔授太常寺丞賜冠服鞍馬及居第於京城之南踰月忠徹復蒙賜錫楮乘傳迎母太恭人於家與宜人偕至京比至先君受繫已累月矣食指旣眾囊橐蕭然懇請乞還併納所賜馬皆不得命忠徹惟匱乏是慮宜人爲出資裝至折衣製履易粟以

佐供具卒使吾父母寧處而不失子道者深有賴於宜人也永樂癸未冬子與永新伯許成賁同賜第永新氣方盛門戒頗嚴屬宜人有牀蓐之虞漏三鼓候婦無所得幾至危殆已而無恙翌日忠徹以先君亦就繫宜人驚悸至失子閱三月釋忠徹擢鴻臚序班自是日蒙宣召因叩頭流血請贖父罪又四月先君得釋復太常致政乙酉忠徹陞尙寶司丞明年秋坐同官孫有學借馬事與宜人同累殆兩月時長女婉容在襁褓宜人極力調護幸及康濟丁亥忠徹調中書舍人已丑從上巡狩

符裏外集

卷下

十一

四明叢書

約園刊本

北京先君與太恭人畱京邸宜人不懈勤苦備極甘旨先君嘗稱之曰孝順媳婦是歲冬驛召先君至北京庚寅春詔給驛還鄉忠徹以從征朔漠弗獲侍左右未幾先君奄及大故暨子歸葬有奪情之制凡喪葬之具一出宜人至糶廩祿買奩資不以毫髮干於兄嫂癸巳春子扈駕至北京甲午冬宜人來會丙申復尙寶司丞從上還南京明年宜人偕至北京戊戌子陞少卿生子應麟應驥宜人子女十四人所存惟二子四女長婉容適泰寧侯陳鏞早卒次婉柔適兵部尙書金忠子翰林檢

討達同渡錢塘爲其兄伏初所害次婉淳適寧波衛指揮萬全次婉焯居室甲申秋宜人受封誥制有曰柔淑靜嘉克敦婦道是歲予從北征洪熙改元請於仁廟得挈家歸省會五弟忠敎喪宜人出貲營葬恤其孤如己出夏六月宣廟繼統忠敎首蒙敕召宜人與諸幼託於兄嫂是年冬太恭人卽世喪制之禮一惟宜人竭力營辦人稱賢孝忠敎以襄事乞請者凡六不得命時兄忠敏嫂呂姪夢龍婦任謀欲異居生疊相凌擅舉母殯不容以書報所費多出宜人宜人未嘗較也太恭人喪踰

八月彼乃故絕宜人一房薪粒迫使分爨宜人不得已居忠敎之舍彼復不容而親戚鄉黨莫不憐之宜人曾無幾微見於顏面戊申予以情白戶部官爲分析宜人遂以壬子秋八月二十八日庚申鳩工庀材市木於臨安基於東田爲廳堂廂廡七十餘楹恢弘舊觀心計指畫越三寒暑始就若規置土田山嶺增飾墳庵兩莊貽久之計始終條理井然不紊鄉人莫不歎曰賢德夫人斯實吾袁氏之光視侮者抑獨何心而忍爲之耶甲寅二月始得命馳驛還因與宜人慟哭曰我爲人子弗克

襄事而以累汝若是之苦宜人曰爲人婦者當然爾斯
信余所不及也翌明衛府官奄至及親舊顧慰者相屬
滿座宜人躬治延款之儀無踰禮越月弗懈冬十一月
命羽流醮祭壇域薦揚先考妣亦惟宜人虔恪相事俾
忠徹無勞勩之煩宜人平生好振窮乏親戚鄉黨識與
不識其不能自存者資濟之逋負不能償者焚其券以
子女粥爲人婢妾者遣之有失怙恃口依者長而婚嫁
之貧無以葬者爲棺以厝之至遇修治學校寺觀橋梁
道路必助成之其承事於忠徹也踰四十年未嘗見其

情容慍色予嘗宴客於堂客有素飲而佯爲不能者或
漉酒於地或詐畱杯餘予以其不直叱起之時在座貴
人亦併卻之宜人曰此盛席禮在待客客或不然亦爲
主者反其敬耳君方陟卿位得無貽驕人之謂耶予敬
領之其寬厚之言類如此乙卯冬堂之左柱產紫莖家
人不識去之者再正統丙辰右柱復茁如初其色燁燁
大夫士觀之咸曰此瑞芝也產于右柱者殆以徵宜人
之德也相率爲詩以歌詠之竊私念予以萍梗之蹤宦
遊南北理家經始之道多所未充不有宜人寧能使子

無內顧之憂耶矧子於茲未遂歸休而宜人亦未能全
安享之樂今皆老矣不有以表章之子恐後之子孫混
泯而無聞也然知宜人之詳者莫如忠徹因歷敘宜人
純德懿行之實庶幾昭白於世而於成立之艱使子孫
知所自而不忘者矣

論曰易稱男正位乎外女正位乎內信斯言也茲不得
而紊已若居變而不失其宜處權而不失其正君子亦
深有處焉當夫釁起門屏之時尊以莅之強以壓之雖
善處者亦末如之何矣宜人以閨門孱弱之質介然白
持乃能抗嫌隙隆門祚以爲貽久之規其視藐丈夫之
納長舌以爲家索者奚啻百一哉然則制誥之被靈瑞
之徵得之天與人者不爲幸矣用著於篇以爲宗姓勸

跋

敬跋檢閱先祖布衣歌

先祖檢閱府君別號菊邨當時學者稱爲菊邨先生先
祖資稟清淳志氣超邁明經學古博覽羣籍深於五經
累試於有司弗利用薦分教縣庠繼陟學諭復陞鄧山
書院山長教道大行東南稱爲明師在朝諸公皆知其

名屢薦其才可用至正間以翰林檢閱召之命下而卒
先祖平生所爲詩文甚多遺失偶於笥中得此詩奉誦
不釋手蓋其言不以貧窮介意而惟欲如古之人得時
行道致君澤民視彼汲汲以金帛貨產爲子孫計者大
有不侔先祖超邁之志蓋如是也因繕寫裝潢以示家
庭子弟其有嗜利貪榮不讀書守分者誦此能不自警
也哉忠微不才朝夕惟此兢惕懼忝先德故復題識於
後詩曰無忝爾祖聿脩厥德凡爲袁氏之子若孫尙期
相與勉之則庶幾弗墜厥緒矣宣德六年歲在庚戌三
月乙丑朔孝孫袁忠微拜手謹識

行臺外集

卷下

十四

四明叢書
約園刊本

書嘉澤廟神惠應侯李夷庚敕後

吾郡城東有湖曰東錢湖湖水深廣與諸山相委曲數
十里鄞定海七鄉之口皆資其灌溉焉予少時愛湖中
泉石之勝往往遊其間以爲山水之勢然也而四岸之
塘七堰之築畚鍤之勤所以成是湖者未始究也及予
官京師足跡不至湖者二十餘年而吾兄忠敏購得宋
褒封嘉澤廟神惠應侯敕於民間緘以示予然後知是
湖旣廢而成者乃侯之功而湖上之廟郡民祀侯之廟

也侯曰李夷庚天禧中爲郡守增築斯湖有功德於民
嘉定八年六月七日始降是敕以褒封之所以侈神休
於無窮也君子之爲政能上致國家褒功以寵之下使
斯民懷德以祀之名聲垂於後世至於彌久而彌彰者
其爲人何可得哉湖之利於民也無窮則侯之功德與
是敕也亦與之無窮矣且是敕之降逮今二百餘年累
遭變故不泯而存豈有神物陰相之哉不然則民懷侯
之德深故藏之謹而不失也子亦鄞人獲覩是敕而思
侯之功謹用裝潢成軸亟以封鑰歸之於廟凡我鄞人
尙敬之哉時永樂十九年歲在辛丑冬十月望奉直大
夫尙賁司少卿邑人袁忠徹謹識

書趙松雪墨蹟後

余家所蓄書畫頗富此爲松雪翁手墨嘗以示客自識
者言之則曰凡書之法意欲深而密墨欲新而麗其分
別位置各宜有條度以曲盡其態夫然後得書之旨而
若是者此帖實有之其爲松雪筆畫爲無疑者或曰翁
之書大抵出入魏晉而其模刻擬似輕重隱露厚杪相
間不宜若是真贗誠有未易辨者余嘗持此而遨遊兩

京閒與二三學士大夫極論書品皆曰鍾王而下以書名家者不過數人若其用意之工立格之嚴卒未有過於翁者蓋翁於藝文無不究極其趣而尤篤意於書雖在陸德旁午自言一日未嘗舍蘭亭而不習者較之此帖其道潤廓灑周密勻稱重不失之滯而輕不失之浮信非翁未易到者故余於是益知慎之重之用以識之爰示於後云

書淵明行樂圖并鮮于辭卷

晉處士陶淵明高風峻節焜邁前古子嘗觀其所製歸

符筆外集卷下

十六 四明叢書

一約圖刊本

去來辭殆將遺世而離去者夫豈其本心哉蓋其遭時不偶特託之因以自逸耳此圖爲警溪錢君舜舉所畫漉巾練衣芒屨竹筇飄飄然晉人風致儼乎存也其後一力攜壺以隨而錢君以翁得之天真非青州從事無以舒其磊砢者過矣若所書辭則困學鮮于公之子端所書當元之季公以能書名四方實與松雪翁相埒而復得若端者以繼其踵其亦異乎處士所謂不好紙筆者矣俯仰後先何所不能不爲之發慨耶因識其末

敬跋檢閱先祖詩集後

書林外集者先大父翰林檢閱諱彥章之所作也大父性剛介於書無所不讀嘗語先太常公暨吾母太恭人曰我家自德祐忠臣遇害書籍貨玩悉爲族人天錫父子所得今所蓄書皆吾手親置吾將以遺吾子孫脫有不具諸物可貨書不可去也卽去之當論以不孝先人暨太恭人敬承不敢違後先人遭時多故忠徹與諸兄日夕侍太恭人恆諄諄然誦及先大父之言以諭之洪武壬午夏先人擢丞太常太恭人攜忠徹居京三兄忠教爲郡庠弟子員處臧文清館下凡所蓄書及先大父自擬四書五經疑義手所自錄者忠教悉攜至學舍文清與其子性見而異之竊假以觀既而忠教暴卒越旬日二兄忠敏至學舍檢諸書已不可得及文清父子所假者俱匿而不歸後檢家藏什存其一耳先人每念及此未嘗不痛悼而墮淚也其他所作如郡庠東湖月湖諸橐及忠徹初召赴北京館典膳所時壁書山水歌叔父州判廷珪所錄者皆遺失不存可勝慨哉洪熙乙巳忠徹承制歸省偶於里中得此集而讀之悲喜交至願以歷歲浸久字畫湮滅有不能通者又於故紙中得布

衣歌一首合爲一集將刻以傳宣德甲寅五月忠徹奔喪還鄉至應驛姪所見叔父州判所遺書目有曰書林外集詩凡百餘首元中書左丞臨川危公太樸爲序公所自書而詩則比前所得多出入遂考次成編得古歌詩長短句五七言律絕句詞調總四百十四首釐爲七卷命工鈔梓以貽永久庶幾先大父之志得以少白而凡吾之嗣人有同吾志者尙思考其闕遺緝爲完錄則尤副忠徹所望所以仰思先人暨吾母之言爲之慨然併書以識於後正統三年龍集戊午十月壬子曰孫忠

待選外集

卷下

十八

四朝叢書

約園刊本

徹謹識

敬跋莊靖汪公大猷和歸去來辭

右宋丞相沂國公趙太師所書吏部尙書莊靖汪公和陶彭澤歸去來辭忠徹謹齋沐拜手觀之且歎曰莊靖公吾鄉偉觀文章道德爲世表儀高廟謂其有警謬之操直道自持孝廟待以師禮及茶寇擧生莊靖糾劾其總帥於是命莊靖公率師其殄其孽不意猖獗滋蔓時尙君臣相濟置之南康猶不使朝參暴白以玷其名寵過之隆亦其至矣後賜歸休而廣和之辭所由作也沂

國嘗受學於莊靖歎莊靖方及天命之年使道不得行於朝福不得以及於民懷瑜握瑾以止於是乃爲書此蓋深知其師以見其志者歟沂國賢相也爲宋宗室在孝廟時扶持宗社啓沃光寧致二聖敦於孝道勤勞著於社稷精忠貫於天地與壽聖太后冊立監國以登九五定議國柄進君子退小人翊戴之功居多而南北賴之以安故朱子上疏曰趙汝愚持社稷忠竭國家碩輔之任倚賴多矣可謂致君澤民隆盛國家者也時韓侂胄兼樞密都丞旨左右小人皆其門下而稱汝愚無故

符齊集

卷下

十九

四朝叢書
約園刊本

毀撤祖廟以私論遂貶永州懇切之情猶言老奴今去不惜爲陛下言之誠中侂胄之計耳遂暴卒中途天下聞而冤之由是國勢日衰奸宄屢出而宗社於是乎屋矣莊靖之辭理淳學富素所蓄蘊比之彭澤各有所安沂國之書筆勢規模可方顏柳精神丰度而又過之於乎師弟子之賢秉行若此才藝若此而皆不克終其志可勝歎哉先正多嘗詠題之矣莊靖九世孫胤復請子跋惟對毛施者難爲容佐其倅者難爲巧淺學陋辭附作者之後顏無厚乎以胤請之堅故不揆而書之爲汪

氏之子若孫寶藏而珍護之可也

敬跋御賜丹溪醫論

太宗文皇帝在潛邸時以幣致臣忠徹之先子廷玉願問稱旨於是賜資隆厚以老秀才稱之而不名臣忠徹從先子亦與恩榮焉洪武戊寅三月十六日上御齋宮賜先子丹溪醫論五部次日賜臣忠徹二部十九日先子辭歸復賜前書二部通九部皆嚴藏於家歲壬午上登寶位臣父子俱被詔書籍家資臣父悉委諸吾兄忠敏越三十九年正統己未臣忠徹得請歸田而前所託

符康集卷下

一千

四朝叢書
約圖刊本

皆吾兄墜而泯焉臣於上賜之書日夕弗寧徧訪於鄉問乃獲一部於魏德仁而版葉弗完再獲一部於陸季高被其裁小復得一部於故官王友仁之壻葉繩乃得以筆補前缺餘皆未之得也嗟夫朝廷賜予之隆父子蒙恩五十餘年而爲兒據執匿昧若此況久遠哉今欲子孫知皇上賜祖父之書寶藏不易也庸謹識於卷末

跋蛟川唐矩一經齋卷後

客有持蛟川唐氏一經齋卷示余余喜而閱之有金華戴良豐城揭汝及其子樞爲記匡山楊璉會稽胡惟仁

胡璉臨安錮中滄洲呂復慈谿余伯熊張惟中諸先生
爲詩若銘吟詠之間瀾乎其長篇鏘乎其短韻皆一時
之傑作也諸先生於先子爲執友余不得侍言語之一
二仰之如山斗焉顧其卷末有天台清濬贈言一詩亦
冲澹夷逸誠方外之偉人也殊不知師字天淵號隨庵
洪武中首任之二靈萬壽未幾應詔爲僧錄主靈谷寺
講談釋典稱旨旣示寂欽遣祭葬以殊禮初師未遇先
子嘗許其榮達後屢驗其言嗚呼此卷距今六十年矣
先觀諸大老之作後觀隨庵之詩方之於今可復得乎

符峯集

卷下

五

四明叢書

約園刊本

夫何後生數輩輒以蕪陋不經之言置之先達之右多
見其不知量也余感悵之次遂書此以歸

紀瀛國公事實

余幼時聞諸先生與先人言宋幼主北遷元降封爲瀛
國公一夕世祖夢金龍舒爪纏殿柱明日瀛國來朝立
所夢柱下世祖感其事欲除之謀諸臣下瀛國知懼遂
乞從釋號合尊大師往西天受佛法獲免禍過朔扎顏
之地謁周王即明宗見瀛國后罕祿魯氏郡王阿兒厮蘭
之裔孫也明宗愛而納之未幾生安歡帖睦爾後有言

於文宗詔曰明宗在朔漠之時素謂非己子遂兩徙高麗海島尋移廣西文宗崩丞相燕鐵木兒請於文后十笈失里立太子燕帖古思后不從命立明宗次子亦憐眞班是爲寧宗寧宗崩燕鐵木兒復請立燕帖古思后曰吾子尙幼明宗長子妥歡帖睦爾在廣西年十三矣乃命中書右丞闕里吉思往廣西迎之至良鄉燕鐵木兒既見且陳迎立之意妥歡帖睦爾幼且畏之一無所答於是燕鐵木兒疑之適太史亦言不可立立則天下亂遂不果太后視政一年燕鐵木兒薨學士虞集上封

持齋集

卷下

三三四明叢書

約園刊本

事不肯草詔文后與大臣巉巉等定議立姪妥歡帖睦爾爲帝且詔尊文后曰燕帖木兒猶懷兩端遷延數月天殞厥躬永惟皇太后之子一以至公爲心親挈大寶畀予兄弟迹其定策兩朝功德隆盛帝以虞集之上封事乃曰唵外饑秀才怎麼知我家事集驚懼喪順帝立之八年六月撤文宗廟主徙文后幽於東安放其太子燕帖古思於高麗中道謀殺之嗚呼順帝享國由文后然聽讒臣之言遂至文后母子被害夫宋待柴世宗之後代居顯官詳見史冊而瀛國孤兒寡婦元君忍不栢

容也瀛國居燕八年因殺文丞相方給衣糧此待之薄甚迫感夢有疑瀛國逆知假往西天又遇周王奪其后而生順帝以明宗朔漠之言觀之順爲遺腹也而天不負宋而又享國久然則順帝之負文后豈其少恩哉國祚之歸於大明宜矣予歸老於家或誦虞文靖公詩所紀瀛國之事而有感遂拜書舊所聞者使知宋三百年之德澤不泯也如是順帝幽文后殺其太子此又天使宋之遺孽滅胡之報復也永樂十年五月十八日我太宗文皇帝御武英門命內官李謙王吉於古今通集庫

衍義外集卷下

三四明徵書

約園刊本

取宋列帝遺像命臣忠徹及畫工百戶徐英觀之上笑謂忠徹曰宋太祖以下雖是胡王鼻其氣象清癯若太醫然十九日上復御武英門命臣忠徹同內官王吉看元列帝像俱魁偉雄邁上曰都喫綿羊肉者及觀順帝像竊謂臣忠徹曰唯此何爲類太醫也忠徹斯時承命未嘗俯首莫對今蒙賜老田里得以歷考宋元史傳暨元學士虞集所作第十六飛龍之詩果符太宗皇帝之言感念聖鑑之明愧當時不能對此爲恨庸書以俟秉筆者補之

祭文

祭姚少師廣孝 贈榮國公諡恭靖

嗚呼公有眞如之慧而能輔聖明以成功公有豪傑之才而能脫塵凡以離垢初遊鹿苑而悟禪心遂據猊臺而爲教首會眾法而演三乘明一眞而空萬有覺有情弘開般若之津指羣迷大啓光明之牖妙道與日而昭宣達士聞風而輻輳由是膺聖主之知建勳庸之茂龍韜虎略屢合乎聖算之中玉帶錦袍遂秩乎儒臣之右天下想其風采神明相其眉壽茲者戀京國而來朝越

符書外集卷一

三四四明叢書

約園刊本

江津以馳驅維摩忽遺於有疾宸宮每軫於來奏儼龍駕之撫臨仰天恩之深厚遂至無有言說示法開原出於不二奄然跏趺化幻身復歸於無有九重念老成而悼惜庶士景道風而奔走昭乎美諡之加巍乎崇爵之授顯德行而嘉賢勞超古今而光宇宙如忠徹等以先人之故承事於門牆以同事之屬聽教於左右忘其年齒之尊取夫辭學之陋公小善而不遺獲奇文以同究每愛至而誨切期深養而大就茲法施之遠來卽淨室以暫候垂寂靜而涅槃猶慙勤以善誘想公皈依摩竭

之域逍遙婆羅之園如來以爲師眾善以爲友拂衣賣
樹之枝濯足金池之漚圓融之性與日月而長明自在
之靈同天地而不朽不生不滅何往何有其餘議論之
宏達文章之雄秀蓋公三昧之餘事亦足以名世而傳
後仰法相之如生尙遲回而宿留人世永辭嘉言難又
陳菲奠以致忱薦薄詞而爲侑嗚呼哀哉

祭朱逢吉先生

嗚呼公之生也氣純以清才宏以肆曰瑾曰瑚蔚爲重
器公之學也諸子其波六經其源道德之懿追蹤昔賢

符事外集卷下

三五四明張氏

一約齋雨本

公之文也遠窺姚姒近法班馬渾厚精深典謨風雅公
之仕也發軔百里載肅憲綱化流政與實惟貞良公之
事天克敬以肅天之佑公旣壽且穀及茲全齋曰啓手
足令譽在人彌久彌篤嗟予小子困學鮮成音我侍父
聿來於京我從戴公於焉識荆幸獲所依我心則喜聞
陝乘輅公僉風紀居無幾何徵修國史遂受恩錫擢丞
棘寺歲籥甫更公過被旨扁舟三吳督修水利于理于
疆廉勤以治奏上厥功皇情忻慰繼奉綸音巡田幽薊
導民稼穡若父訓子我恆思之千里莫致癸巳孟月適

際時巡詎云涼非叨從後塵乃克膏會析木之津公遇
我厚我奉公勤我食我飲我沃我醺我笑我言無間晨
昏公不我疏待之至親公不我鄙訓之至諄以學則講
以約以正以文則刪必抉其病以行則規必全其性我
怠固前公策以進我率或愆公倣以靜嗚呼公德豈言
可竟今者於此幸獲周旋方將朝夕祝公百年小子成
德始終賴焉胡爲一疾遽爾不□□□□□□□□□□
斯文老成今復凋落況我昧愚□□□□□□□□□□
將疇藥寧不拊棺有淚盈握茫茫□□□□□□□□□□

符璽外集 卷下

三六四 明 嚴 著
約 園 刊 本

矢詞哀哉先覺

祭太醫院張御醫逢吉

惟先生學究軒岐之祕業專盧扁之奇既施德於眾人
尤覃惠於嬰兒察乳哺於蠢蠢療咿嚶於嬉嬉遂長育
兮深願俾造化兮仁慈積功利兮宏溥蔚聲聞兮四馳
授供御兮顯職爲當代兮名醫先生口侍金門恭慎自
持屢承聖眷調護天支道益修而彌著術靡措而弗宜
捐事上之餘勤慰都人之羣思上而王公貴人下而閭
巷黔黎請謁填塞無有虛時集金幣於筐篚聯襴袂於

庭坻苟蒙一七之賜如獲重寶而來歸先生雖鬚髮皓
然老而未衰祝耆頤於悠久庶稚弱之有依孰謂天靳
好生之仁俾一疾而遽萎嗚呼先生死矣而魂何之先
生歿矣而人共悲想灑然之丰姿聆惆儻之言辭知九
原不可作矣徒隕淚而噓唏某託交既深感佩情私痛
傷永訣孰寄我懷於是登肉於俎載酒於卮敬臨棺而
一哭庶來歆而鑑茲嗚呼哀哉

祭秦寧侯陳愉二篇

惟靈稟篤厚之性負剛勇之氣蓄將相之才蘊機謀之

符臺外集

卷下

三十四明叢書

約園刊本

智雖列職於武班爰受知於先帝蒙前人之功德襲侯
封之爵位扈駕北征佐肅清沙漠之威散軍郊射有折
衝尊俎之意謂宜享福於遐齡以居乎太平之世云胡
一疾遽爾捐棄日月逾邁奄及祥祭余忝媿戚不勝瞻
企薄陳一奠以洩良思靈其如在庶幾鑒只

惟公夙籍華勳顯膺爵爲國爪牙命世才略萬里鷹
揚平吞朔漠滿謂生存圖形麟閣彼蒼蒼者天理果何若
嗟爾干將遽摧厥鏑埋玉九原載更歲籥顧我疏庸叨
陪行幕不鄙見尤姻婭是託使幣鼎來敢不敬諾幽明

異趨好言如昨拊今念昔心焉愧怍禫祭禮行執事有恪爰致潔牲奠茲清酌靈乎我知庶其昭格

祭贈恭人伊氏

祭酒陳敬宗母

生自茂族作配名宗室家孔宜闡闢肅雍夫在宦途克勤內事孝養其姑甘旨咸備既失所天諸孤幼齡辛勤教育遂底於成長承其家仲登館閣季職師儒克振教鐸厥嗣既賢實維母慈宜膺祿養際茲明時壽考康寧已踰八袞溘焉以終返此玄室凡在鄉黨莫不興哀生芻莫致目斷天涯俎豆既陳曷爵斯滌薄奠一觴靈其

符彙集

卷下

三六

四明叢書

約園刊本

來格

祭光祿寺丞李伯震

惟振振之麟趾濯美質於天溟偉名門之颯楚紹奕世之簪纓羨雄才之俊發矧藝學之研精探羲皇之易畫究子平而復有徵冀江海之遊跡胡捷徑之馳名候薦鷗於鄉國試牛刀於客城南鳴琴於三載尋陸宰於赤縣撫奸宄而未清爰撫事而適眩嗟喜愠之不行置利器之斯見口滄洲之出貳蔗蜚聲於郊甸枳非鸞之久棲遽下檄而乘傳簡聖心於萬幾承光祿之寵眷謇子

生之瑣瑣幸鷲序之聯輝緬嚮塵之邂逅識韓荆之丰儀敦友誼以簪盍惜晚遇而深知論斯文之繾綣矢終歲以爲期曷彼蒼之亟奪俾斯情之孔違疾一沴而弗瘳哀九泉之永歸痛三臨而撫膺魂杳杳其何之羅穀核而薦醴踉一奠而陳詞

祭居密先生盛景華

御醫盛啓東父

惟公性資純篤操履端莊事親克孝處己惟臧早承詩禮深究岐黃濟人以義教子有方隱德弗耀聲譽孔彰曩由坐累從戍鳳翔樂道自娛愈抑愈光請老東歸優

符署外集

卷下

三五四明故書

符園刊本

游故鄉有子有孫衍慶流芳曰茲御醫唯國之良問學弘博識見尤長歷事四朝久練風霜忠孝兼盡遐邇稱揚曰彼正科奉公於堂善繼善述世德彌昌公年耆耄氣體益康交媾龍虎膺台純陽拍肩洪厓實公所望期頤未臻溘爾云亡某等忝與令器道誼相忘茲聞來訃莫不感傷生芻絮酒無由遠將臨風南望敬潔一觴惟公鑒之來格來嘗

祭兵部職方員外郎袁安

嗚呼惟公之生也學充才瞻質美行方蚤發跡於鄉校

繼馳聲於虞庠刑曹兵署薦沐袞章大夫之秩於宗有
光矧二親之郵贈煥綸綍之煒煌想明良之慶會福蒸
蒸而未量何一疾之奄及竟沈冥於膏肓嗚呼哀哉念
公之死實切予情憶往昔之獻歲敘同姓而識荆爰示
妻而及子交愈久而惟誠旣居聯於里第復接武於承
明庶朝昏之規益慰衰年以忘形嗚呼痛哉以公之純
厚兮宜享壽康以公之才美兮宜登廟廊何殃慶之異
施兮天道茫茫慨失此良契兮寧不悲傷羌寡稚之失
望兮幾煢皇皇汨旅櫬之旋歸兮山遙水長我有雜黍
兮義託范張曼交情之已矣兮徒切傍徨公其有知兮
來格來嘗

祭翰林修撰桂宗儒

粵人材之瓌特亶鍾秀乎山川維四明之偉郡董溪其
尤多賢紫先生之降生懷蘭菡而握莖振瓊琚之文臭
鏘玉珮之璆然咀伊洛之腴美沂洙泗之淵源承先世
之遺德簪紱奕乎幃聯蚤發軔乎庠序辟雖繼以騰蹶
領別駕於一州惠齊民其有年聿徽音以上達遂超軼
乎木天秉良史之直筆發麗藻於雄篇近清光之咫尺

沐雨露之恩偏晚息機以納榮承優詔而歸田余後引
年而上請幸亦賜予而南還紹香山之舊社樂耆英乎
林泉矧葭莩之締好復道誼之同堅宜上壽之未艾何
館舍之遽捐痛哲人之云萎慨日月之倏遷邈儀形而
莫覩鬱中情之曷宣茲穀旦之維差將窆柩乎新阡庸
豆遵之旅陳爰爲饋而吉蠲跼矢辭而永訣紛涕泗之
漣漣神洋洋其如在冀昭鑒乎誠虔

祭韓府伴讀葉銘臻

繁龍飛之啓運兮萃英材於昌期竄若人之明粹兮質

符臺外集

卷下

三十四期

約圖刊本

溫溫而多儀蚤穎拔於泮林兮綜羣經而解頤歌鹿鳴
以擢桂兮振蜚聲於禮闈擴天人之大對兮邇清問於
赤墀尋出傅於親藩兮曳長裾而委蛇步梁園以侶鄒
枚兮爰託乘於應徐夫既昕夕以獻替兮復寓諫於瑰
辭煥碑版於八表兮重文價於璠璣曰希年以遺榮兮
感二天之鴻私出賜金以惠里族兮日酣醇而賦詩慨
余生之夙契兮幸登庸於鳳池遷符臺以司璽兮荷列
聖之殊知嘗南北之攸徂兮動契闊之遐思迨懸車以
歸來兮樂優游而聯輝矧吾兒之稚弱兮締佳姻於孫

枝緬門地之相望兮託松蘿於孔宣何彼蒼之隆厲兮
遂一老之不遺邈逍遙以長往兮御颿輪而何之嗟儀
形之莫挹兮魂營營而凌太微汨日月之不吾留兮倏
已周於祥棊佳城鬱其久卜兮較柳車之在茲芼蘋蘩
以登俎兮酌椒漿而侑辭

立高祖宋德祐宗臣碑祭文

粵吾祖之派衍兮肇著氏於南昌迨京尹之東轍兮聿
卜居於句章地與歲其綿邈兮慨厥緒之茫茫家乘幸
其不泯兮眾目核其有綱誕高祖之降靈兮稟天地之

初稟外集卷下

三四明版書

約屬刊本

貞良挺先業於不墜兮膏餘烈而煒煌得麟經之指歸
兮絢奎壁之文章甫擢秀於進士兮何內艱之適當矧
宋社之旣屋兮感天命之不我常元兵倏其壓境兮顧
吾義而奮揚趙謝誼以敵盟兮冀一挫其鋒鉞曰予申
辭以前驅兮獨衝突於犬羊悵二子之弗信兮竟紆膝
而乞降炯雙瞳以肆詈兮置金石之堅剛秉寸心於烈
火兮與日月而爭光舉家眾之赴溺兮羌激義於淪亡
僅一息之子遺兮載緝熙於宗祊繫夫天道靡僭兮恆
裕慶澤流衍兮深長子孫曼兮彌盛簪笏羹兮逾昌想

儀形兮奚逮覩窺窳兮崇岡雲陰兮碧草風蕭蕭兮
白楊樹穹碑兮隧道俾後來兮弗忘

朝命追贈顯考祭文

嗚呼粵自我祖宗積德累世闕而未發是生我顯考以
忠直之操純明之學遭際聖明榮被知遇遂丞太常享
有多福而忠徹不肖愚鈍亦幸承慶澤叨沐恩榮備職
於侍從之列今者特蒙聖恩加贈顯考中順大夫太常
寺少卿賜以誥命以爲袁氏一門之光寵以厲臣子之
忠勤忠徹敢不夙夜祇敬勉其庸愚以對揚嘉命以永
賴祖宗顯考之遺德官有常守不克躬展墓下南望松
楸昊天罔極

追贈顯考告祖

嗚呼惟我先世積德行善延於後系實生我顯考操行
端謹問學精純受知聖朝蒙被恩遇列職太常壽考令
終薦荷國恩榮錫誥命進秩少卿褒贈寵加用賁泉壤
忠徹欽承恩命亦獲超遷兩世之榮他族罕比是皆祖
宗庇佑慶澤永延以爲袁氏一姓光寵用伸虔告

歸省告祖

嗚呼木而干雲本固乃爾浸而稽天厥有源委惟我慶
門德積善累人之有生祖其本始綿綿瓜瓞實同斯理
推而報之惟曰孝祀念我厥初高曾暨妣女懷貞潔男
尚節義保族宜家流芳播美幾二百年用介繁祉迨及
先君受知潛邸附翼攀鱗容臺再徙投閒考終救葬殊
禮爰暨顓蒙冒登膺仕荐被恩榮簪纓萃只弗聞於先
曷以致是思答涓埃庸貫骨髓邇聆玉音暫還故里陟
降戶庭顧瞻桑梓追慕音容曷其有已用展豆籩誠輸
一蟻尙其來歆式昭神惠繼繼繩繩澤流來裔

符臺外集

卷下

三四四明懷書

約園詩本

歸省告顯考二篇

嗚呼謂天蓋高止於蒼蒼謂地蓋厚止於茫茫而吾親
生育之恩非高厚者所得而方故人子之致孝宜終
身而弗忘昔吾父之退而處也種柳成莊瞻衮有堂朝
琴書以容與夕詩酒以徜徉其進而仕也待詔巖廊進
秩太常儼簪纓之寫奕肅珂佩以翱翔及其謝事而歸
也則懸車故鄉既壽而康畫錦耀閭里之光璽書昭雲
漢之章今焉既逝青山峩峩兮白雲泱泱松楸鬱翠兮
佳城在望棄華屋之弘麗兮迄歸乎玄室之藏邈音容

之永隔兮寧不爲之感傷藐遺孤之不肖兮適慶會乎
明良幸擢貳於符璽兮復錫誥以褒揚賜商歸以拜母
兮亦展慕於崇岡愧涓埃之無補兮叨沛澤之汪洋匪
先德之積累兮奚福祿之穰穰乃控誠而力懇兮牲牢
是將酌醴齊之清醇兮粢盛潔香想尊靈之來格兮鑑
此衷腸庶福慶之綿延兮永世其昌

嗚呼敬維我祖克忠以孝父式承之實循懿致雖資術
顯素敦古道知慮周詳鑒識精到有奇其逢有卓其操
列職容臺持正不撓挂帆鄞江終焉笑傲生榮死哀闕
告追慕音容中心是悼

歸省祭七叔父州判

繫叔父之直諒兮厥賦自天羌志趣之冲澹兮與道周
旋旣克積於文學兮或窺乎董賈之源復沈酣乎仁義
兮或探夫孔孟之傳竄愛親而敬長兮企曾閔而比肩
亦砥節而礪行兮惟清白之是專始典教於蕭山兮誠
弗厭於寒糶繼作簿於茂名兮先祖述而著鞭嗟白壁

之暫汙於蒼蠅兮亦安知灰燼之復然忽遭遇乎亨嘉
之會兮荷造物之陶甄迨攀鱗而附翼兮爰得效其埃
涓簪彩筆於螭坳兮乃廁迹夫青瑣之賢洎出判於雄
郡兮注別駕於衡銓歷浙藩之幕職兮泛綠水於紅蓮
贊歷陽之政治兮轉斯民於倒懸伊素願之允酬兮柰
華髮之盈顛因秩滿以入覲兮乞謝事而引年感聖恩
之如海兮俾退休於園田痛家嚴之棄背兮溘朝露之
獨先幸中郎之尚在兮庶有賴於誨言期百齡之康健
兮比松喬與偓佺胡懸車之未幾兮竟邁此乎迺適顧

符齋集卷下

三十四明被書

約監刊本

二豎之肆虐兮遠蟬蛻之上仙詎彼蒼之不憇遺兮降
慶門之禍愆雖牲鼎之在陳兮生弗侍乎壽筵及湯藥
之屢進兮孰先嘗而下咽迄臨終而屬纊兮慟斂舍其
誰憐揆予其曰猶子兮阻關河而莫前慘肝摧而腸裂
兮徒飲恨以何宣邈音容之永隔兮悵東流於逝川適
南歸而展省兮重增慨乎九泉潔粢盛於簞豆兮具殺
羞於豆遵爰矢詞而一酌兮揮涕淚之潺湲想英靈之
不昧兮鑑哀悰之孔虔尙垂裕於遺胤兮慶瓜瓞之綿

延

歸省祭三兄忠敘

嗚呼人孰無兄而吾之兄獨異於眾人孰不死而吾之兄實爲可痛吾兄之生不嗜喧闐惟詩與書口不輟誦外若迂疏內實博綜事至物來一鑑可洞善惡之微罔弗奇中選秀於鄉未及賓貢克孝於親友於昆仲爰及姻朋靡不崇重殆顯清朝蔚爲麟鳳豈閔其才故嗇於用疾豎斯嬰浮生一夢彼蒼茫茫莫之或控父聞孔傷母臨是慟舉祭之情誰適爲奉有布其衾孰寒與其將營大廈乃折之棟將爲織文乃奪吾綬幹蠱非無誰任發縱嫂繼云亡亟趨仙從惻然二孤莫啓其幃觸目與悲有感而動萬嫉攢心惻焉自訟嗟我莛才幸叨恩寵拊己知歸能不惶悚屬茲南還展省先壠緬惟孔懷式蠲月俸牲肥酒嘉庸陳菲供一酌致詞涕若泉湧死者有靈尙哀愚菴

歸省祭妻母余氏

惟我外母生慶門兮德柔以貞性粹溫兮迨歸令族婦道敦兮宗嫻內外靡閒言兮旣勤組紝潔饗殮兮家用以裕嗣亦蕃兮相厥夫子樂丘樊兮所天何辜逝九原

兮遺厥幼稚曷由存兮念辛茹苦目竟昏兮鞠育訓誨
寧憚煩兮彼蒼或佑畢嫁婚兮繫惟令女嬪於袁兮我
實半子幸攀援兮慨予昔者叫帝闕兮睽違萬里曠寒
隴兮還鄞得請辭禁垣兮尙冀昕夕侍魚軒兮亡何有
命趣征輶兮燕鴻南北更幾番兮滿期上壽福祉繁兮
嗟哉二豎獨何冤兮一朝訃至心如燔兮忍聞黃壤塵
輿璠兮禮謹窆窆孰則論兮宰木且拱歲云奔兮恨微
聚窟返香魂兮茲焉省覲慰堂萱兮拊我室女迄外孫
兮及於吾養畜諸昆兮俾予所作算疵痕兮使言必中

衍臺外集

卷下

三六

四明叢書

約園刊本

舌莫捫兮脫非內助孰予藩兮瞻彼二水審求源兮始
終一心敢忘恩兮庸陳薄奠膳羔豚兮有旨者醴式盈
尊兮有配厥位惟嶽尊兮瀝誠矢詞淚潺湲兮靈其鑒
之庶勿諉兮嗚呼哀哉

歸省還京告祖

恭惟澤慶垂裕後昆肆予遭遇登籍金門念昔太宗救
歸覲省仁廟推恩特加優等俾依先壠兼侍慈闈錦旋
綵舞桑梓爭輝今者洪熙孟秋惟序欽我嗣皇龍飛御
宇弗遺故舊斷自宸衷旁求博訪下及顛蒙迨至北京

天顏大喜復職少卿命司寶璽載頌內帑亦奠攸居眷
言寵渥乾坤與俱竊揆檮材曷繇臻是寧匪陰休感激
何已日月逾邁歲聿云除苾芬孝祀敢忘厥初有潔者
牲有清者醴籩豆靜嘉粢盛具美以安以奉式用告虔
幸其來格瓜瓞綿綿

欽取赴京告顯考

忠微以菲薄之才承先世神靈庇佑忝居侍從之職每
懷圖報恆愧未能昔嘗扈從北征奉太宗文皇帝恩旨
特賜省親祭祖東歸於家繼蒙仁宗昭皇帝禮遇優厚
許以家居讀書奉先養親今又承今上皇帝恩命遣人
驛召君命所臨不勝忻悚之至是用謁辭墓下將命以
行敬伸祭告之誠靈其鑒知

聞母太恭人倪氏訃蒙恩奪情命姪應驪代奔喪

祭文

哀哀我母淑且有儀相我先考信無不宜家用以裕宗
姍式規衣我食我誨我詩書我婚我仕孰匪厥慈父職
容臺子忝鳳池疊膺檢誥恩命聿推滿謂眉壽祿養是
怡云胡疾豎斯焉百罹顧子不孝奉檄星馳承歡膝下

曾不幾時及乎在疾藥禱罔施卒之永訣會見無期倏
聞凶訃痛憤曷支趣謀枕塊庶竭我私復弗我丐憐莫
敢辭仰天號籲知者伊誰臨而爲位有總其帷特醴旣
設邊豆是祇屆茲百日奠爵矢詞靈其不昧尙其鑒之

歸老養疾告祖

維哀之族肇自南昌維宋宗正仕治於杭高廟東遷扈
蹕攸邁爰宅於鄞式衍其派暨暨孫子是踵是繩諄諄
詩禮奕葉簪纓允矣忠臣茲唯英烈力抗元兵之死靡
折爰及我祖振策書林遭世孔艱竟是陸沈我父紹之

符璽外集 卷下

四十四明 卷下
約園刊本

於先有耀時挾飛龍克啓其兆擢官典禮賜老林丘鳳
詔鸞書安車貂裘嗟予小子適濟其美鴻臚中書進尙
符璽四聖隆遇餘三十年敬蒸夙夜山入罔愆迨茲衰
疾玄髮易素章聞九重俾守先墓惟皇之德天地莫量
有開自先斯獲其慶願瞻桑梓翼翼敬止敢有不虔以
墜厥始惟木有本惟水有源奠以展哀淚泣漣漣

歸老養疾告考妣

哀哀我父稟性剛方烝烝孝友裕乎有章我母來歸允
媿於德貞順寡言宗黨是則傷時多故厄於族姻有諧

琴瑟備嘗儉勤育我諸幼既顧既復婚嫁是期恩慈具足我父承召入踐朝行喪書薦加於母有光迨子賜歸母亦樂只謂介壽祺益綏福履惟我諸幼罪孽深崇上貽所生繼遭閔凶嗟惟忠徹職聯侍從南北阻修永抱哀痛幸茲錫告獲遂首巨言念大德涕淚交流維日之朝恭展塋域奠以告哀終天罔極

立長兄忠牧嗣告祖

惟祖與宗是分昭穆祀事孔明無遠弗績粵惟先世扈蹕南遷至於四明于孫寓焉傳世逾七異居各食雖承

符臺外集

卷下

聖王四明叢書

約園刊本

厥派循至岑寂我父太常昔隸戎行長兄甫冠代役建康轉輸十年沒於遼海兄誠孝友惟義所在早及嫂氏守義不婚及此捐軀而乏後昆敕子曰騶爲兄之嗣仍撥己貲永奉兄祀以時薦奠靈其洋洋香膏奕世彌盛而昌有潔其牲有清其醴神其鑒焉俾膺遐祉

歸養疾祭邊父母

嗚呼粵惟外父賦性溫良治於嫺戚睦於鄉邦居閒養晦弗耀其光善不蒙佑薦罹禍殃逮及嘉石竟爾云亡時維外母年方廿八睽睽諸孤終復何託擗地呼天哀

痛何若矢心一節誓無再諾如柏斯貞如石斯確四男
一女一子之存曰惟令女來嬪我門幽靜端莊克肖母
德承於姑嫜靡有愆忒迨我承命入仕京師凡百事爲
益克自持拊我諸幼作我堂室心計指畫曾無暇日宗
姻肆忌讒言屢興順以處之邈如不聽眷茲茲淑實惟
夙教沿流斥源疇子能報肆今予告獲遂歸寧瞻慕音
容式展墓坐殺羞既潔酒醴維精神其來格慰我思誠

陳氏祭父母代

嗚呼父母之惠昊天罔極惟女有家有閒朝夕嗟我父

符集外集卷下

聖四明叢書
約園刊本

母恩愛孔多水火寒暑周視靡他迨我成長言歸袁族
歲時往來是顧是復夫何二豎薦降災屯曰父母繼
殞厥身瞻戀音容豈勝哀悼地厚天高萬一莫報辰良
時吉歸自京師敬陳薄奠用表孝思

陳氏祭外祖母代

繫外祖之秉德兮羌正固而幽貞惟嬪相之攸宜兮恆
克順而克承協琴瑟之和樂兮諧律呂之英鄉邦仰其
儀範兮宗黨挹其餘馨愍皇天之不憇兮遽殃戚之是
嬰念鞠育之大恩兮悲哭臨之莫能懷往昔之盟囑兮

死有素子飯羹言溫溫而在耳兮日夜切乎衷情茲東
歸以省視兮曰道經乎杭城瞻音容其安在在兮流序
之徂征聽陳詞以祭奠兮灑涕泣之泠泠

養病得請告先世啓行詞

仰惟祖宗垂裕厥後忠孝傳家歷世彌久先君太常際
遇聖明爰及愚蒙荐被恩榮三十七年筮仕南北勤勞
備嘗叨依輦轂君親之報遑遑未能菲才糜祿慚愧曷
勝六旬之四衰朽日至抗疏乞歸計終晚歲荷蒙國恩
養病還鄉束裝卜吉妻子偕行惟祖行祠有奉於寓告

符臺外集卷下

聖三四明叢書

約園刊本

奠登程用所庇護

祭外母余氏

嗟惟外母淑慎端莊壺儀母範式聞鄉邦爰自往歲卽
官京邸秩秩寶祭孰不欽止有婉令女來嬪我家順我
相我質而靡華揆厥所自維母之教言念懿德曷其能
報方期壽考是敬是承詎意一夕遽隔九京南草故鄉
迢遙千里輻輳起行丹旄斯煒情聯半子義分扶攜靡
以職守徒切心悲載酒登敬用表衷懷靈其有知來格
來下

生日祭考妣

維子之生竹冬初七父憂母難正在斯日親今不待欲
養弗克念子幼災疹疾百出貽累雙親言之淚滴豎長
成人遭時偃迫幸遇昇平一官忝職承歡膝下戲綵前
席居無幾何遴遷扈蹕定省睽違兩地相憶父蒙致政
子征沙漠跋涉星霜辛苦備歷夙興夜寐朝夕怵惕親
在家鄉子婦京國魚雁杳然父南子北駕口南轅親詣
朝闕先日有旨命子遠接聖主待之抗論懇切胡爲計
來天翻地裂倉皇奔喪輟制奪節四十三年天恩龍錫
歷事四朝補報無一皆親之澤皆親之德休政歸鄉世
所罕得致喪子女心嘗戚戚賴我妻賢柔順和悱恢復
祖業事興堂室惟孫應驥冠婚已畢葉氏名家宗禋繼
述念親劬勞寸草弗及逝水無迴延暉無術嗚呼邈焉
痛傷感激蓼莪有限陟瞻徒飾風木含悲愁雲漠漠敬
潔一觴神其來格

四明叢書

四明叢書
約園刊本

四明叢書

四明叢書
約園刊本